

長樂縣志卷之十五藝文下卷

詩歌志

離騷楚些繼乎風雅而作長樂為石陽等地才人競起矣相傳李白流夜郎時經此地有壺瓶飛瀑布洞口落桃花之句其後容美宣慰司裔田子壽始開詩派及田甘霖田圭輩代有詩集而五峯司張之儒昆季集雖無傳猶存張之翰哀岳母詩各章可徵風雅自改土來沐浴

文教者百餘年詩歌詞賦有能文官師以為之倡故風

騷競尚麗句清詞往往間起集而錄之分為上下二

長樂縣志

卷之十五

藝文志下

卷以補輜軒採賦之所不及云耳志詩歌

四言

厚樸樹 有序

邑宰王

瞰 星閣山東黃縣舉人

丙子三月余因公赴鄉見路旁園中有樹苗萬生葉肥潤而長澗青綠異常問之為厚樸購得數本植於署內小院之左右高纔及尺溉培逾六載今已大可盈握矣按此樹係藥材本草載為溫中益氣故特植焉倘望後之君子加意護惜俾老其材以作署中庇蔭其附枝旁柯時可取以濟人慎勿撥其本根損乃生意也因集葩經句成二章代為

樹禱

芾芾厚樸左之左之右之右之豈弟君子維其宜之
維其有之

芾芾厚樸如竹苞矣如松茂矣豈弟君子式相好矣
勿相尤矣 春按詩存而樹早無存矣

題灣潭縣丞署梅堂

護直昌同知候補
知縣兼管縣事 潘含章 杞園

梅之為物冰肌玉質亦淡亦濃半處半出植我閒階
盈盈相匹朝斯夕斯靜觀弗失曾幾何時標三標七
用以調羹追今追古揭以顏堂聊以紀述

五峯書院月課示諸生

邑宰 李煥春 美齋

長樂縣志

卷之十五

藝文志下

二

蟲彼五峯秀削芙蓉下臨百仞水繞潯潯山高水深
靈秀斯鍾久沐王化幸際時雍學校垂教遍播花封
人文崛起萬卷羅宵性天是宅書田為農窮理盡性
聖賢為宗長沙才調洛浦芳踪如斯偉抱豈無遭逢
園飛白鶴洞起黃龍巍科高擢名達九重天德王道
內外相從洲前楠木坪上喬松箴言永著古廟曉鐘

五言

明 秋色

容美司 田九齡 子壽明萬曆長陽縣學博士弟子員

秋色隨鴻到人情逐水流滄浪洲上月身世兩悠悠

其二

鴻鴈天邊度流年暗裏過黃金與白髮莫漫怨蹉跎

山居

田圭 信夫容美司派

編竹為籬壁自愛樸而古煙雲繞我廬趺坐鳴天鼓

其二

一溪鷗首綠兩岸木蘭花有酒常閑酌宛然陶令家

雷打石

何璘 石門人

長樂縣志

卷之十五

藝文詩上

三

雙石剖何年下臨澄潭黑怪哉霹靂聲一斧分南北

國朝

詠灣潭汎署桂花

宜昌鎮 馬鼎鼐

丹桂何年植營前競柳芳吳剛應試斧折得一枝香

木瓜

果結黃金燦枝分翠葉舒誰將投贈我為報以瓊瑤

桂花木瓜二樹在武署二堂左花廳內聞之者老

此樹不知何代所栽自長樂縣設學以來小試之

年桂花開放一次汎屬文武童生必有一游泮者

若開二二次定有二三游泮者木瓜更覺暢茂歷

驗不爽

乾隆壬寅秋宜昌總鎮馬 巡閱衛昌營在署目

觀留題前詩云 千總梁栢臺記

仰山堂春夜獨酌 李煥春

夜靜放槐衙春觴酒興奢醉眠明月地清夢到梅花

因公過牯牛河上界山普濟寺遇鄒生幹園招至其

兄汝弼課子館同乃弟鄒樂亭長陽譚星垣共酌

南河方得渡直上界山坡古寺逢良友酣吟安樂窩

南坡雲 邑宰 王清遠

何者為供養天邊玉一羣有時飛以去五色幻成文

五峯雪

長樂縣志

卷之十五

藝文詩上

四

天色已晴霽五峯猶積雪香風對面吹下有梅花發

新橋柳

送客到新橋悵悵臥煙柳但看柳陰下閒坐垂釣叟

石梁松

城西隆起處樵徑儼然通老鶴引雛上微聞空際風

玉屏薇

秋色盈幽徑雲根冷古薇山中復誰采艷競玉屏輝

麥莊梅

娟娟如隔世冥寢亦春回不似文君寡琴心儼自媒

紅崖露

翼翼復與與高原露滿脊如珠憶曩時茲因惜狼籍
洞口烟

馬頭餘落日古戍老其前留客憇幽洞蒼涼南楚天
長坪草

高坵屬石田游牧實稀少睹此綠蕪新牛羊滋息好
灣潭月

客從潭上來不覺霜侵被秋月一灣寒人家靜竹篔
漁關鳥

冶春殊不寂風日古關曉憐客動鳴禽新詩日以討
安化橋
李煥春

長樂縣志

卷之十五

藝文志下

五

山城夾水流虹勢臥磯頭橋亦安王化波平月一鈞
瓜萇灣初冬見雪

五峯寒氣早十月雪盈山馬上吟懷發高吟括樓灣

本草瓜萇
一名括樓

半月洞

歐陽文斗

邑貢生

古洞原泉出形同半月明莫分弦上下但覺玉鈞橫
罈子洞

彌彌憑咎響又見石罈懸吸盡西江水含毫意邈然

金菊河

金綻河邊艷秋開樹樹花延津知可飲爲我駐年華

石珠

如珠懸峭石掩映月雙員一串誰穿去終朝帶露鮮

綠蕉館春日雜興

李

素

少白滇保山人

蕉葉初舒綠紙窗碧似油春寒深幾許花氣蕩簾鈎

二

春氣薄於綿春色濃如錦滿院綠陰輕低籠花木影

香溪晚步

陳仁齡

壽亭

晚步喜開顏青圍四面山麝香溪畔立幽意獨閒閒

遊響泉洞

鄒克仁

邑庠生

洞口白雲深洞中清滴響將泉與耳謀水清心自爽

長樂縣志

卷之十五

藝文志下

六

山尖石人

陳仁培

福亭邑庠生

香溪大道西遠望雲起滅山尖一石人送盡人離別

玉簪花

山名

鄭光藻

藻庵邑庠生

誰將碧玉簪高插烟雲裏美人天一方常望此花藥

五言律

羽

咏瑞蓮

一花紅白各半
次友人韻

容美田甘霖
特雲

奇葩何所似邢尹共由房不以同居妬恣成別樣粧
珠連將互照風舞合牽裳一朶雙姿現羣花襯亦芳

其二

比肩文質具勿俾寵專房造化無心揀淺深隨意粧
二喬歡共語雙趙色分裳宛在中央矣傾宮捧一芳

其三

並蒂雖云瑞何如共一房呈身皆國色識面兩宮粧

長樂縣志

卷之十五

藝文詩上

七

不讓石華袖宣卑白練裳形分影未別尤物占孤芳

柬伍趾薛先生

世事勿勞問慇懃致所知君心惟愛柳余意或同葵
懸榻非新意綈袍有舊期休言南北異憑寄兩相思

甲申除夕感懷詩

有序

容美田

立太初

歲運趨於維新老人每多懷舊余受先帝
寵錫實為邊臣奇邁赤紵為虐朱第多慚悲

感前事嗚咽成詩以示兒子需霖輩各宣欲
言遂相率步韻命曰笠浦合集各十章章八句

飛光悲臆盡一夕倘今年坐嘆龍髯杳誰攀義轡還

舊恩難遽釋孤憤豈徒懸縱說青陽好笙歌輟市廛
其二

兒童未解意栢酒過相勞曾飽誰家粟難看改歲桃
酸心聽畫角伏枕厭鈴靴逆數經年過驚蓬轉泛舸
其三

終歲蹉跎晚重新可奈何愁先青鳥至眼轉白駒過
往事歸春夢流光付逝波未堪言代謝意氣隱消磨
其四 時聞李闢尚據都門

遺人辭故主擁鼻增辛酸矢志終身誓寧忘五世韓
趨新羣動易戀舊抗懷難何事都門下仍多不罷官

長樂縣志

卷之十五

藝文詩上

八

嚴平子評 不忍讀

其五

兩載乎時刻從前積慶奢瀕驚天步改代訝歲華差
桂火延斯夜椒花競萬家明年猶說我迴憶事何遐

其六

隔宿分新舊斯時匪往時關心嗟過客冷眼盼殘碁
虛抱三閭憾誰將一木支許多慷慨意寂寂壓雙眉

其七

年華會莫挽真味幾能甘頻剪筵前燭虛傳席上柑
浮雲悲往事愛日籍雄談咫尺分興廢關心北徂南

其八

懶無詩可祭嘆步賈僧塵朔晦聽成數乘除付定因
漏將五轉鼓人又一籌春不忍言宵促難為明日身

其九

燈燭輝如晝庸關守歲心繁華暗欲歇歌鼓漫催深
栢酒仍同筭辛盤少頌今等閑佳節候歡喜變悲吟

其十

向夜訂諾子癡獸休鬻人聰明終有累儵忽漫多神
待價酬知己剗匏寄此身來朝真面目另是一番新

前題

容羨田霈霖 雙雲

長樂縣志

卷之十五

藝文詩上

九

欹枕愁更盡傳杯戀此年友同星角散客白日邊還
涕淚鮫珠瀉明燈暈日懸應知陰慘色詰旦滿郊廛

其二

鼓角喧殘夜魂飛魏闕勞孤臣悲諫草野老哭官桃
聞說江中楫宦追漢上執何情更送酒非是少輕舸

其三

喜侍高堂宴驚心此夕何鸞坡清夢遶龍尾黯魂過
復楚慚申胥標銅媿伏波黃金在肘後壯志竟難磨

其四

心慵無所似梅蘂飽胸酸共濟憐秦越和衷媿范韓

危言朝野亦死事古今難白馬清風渡何人不是官
嚴平子評 當時惜未令諸人見此

其五

祖宗作法儉孫子變爲奢袖手金甌缺凝眸玉曆差
孔張誠負國房杜并無家蠟火添新憤追維事事遐

其六

皇皇堪自弔痛在失君時往事三更夢浮名一局棋
長吁歷魏晉屈指筭干支莫作宜春字看來不展眉

其七

一室橫今古旁觀詎自甘違心斟斗酒撥悶剖雙柑

長樂縣志

卷之十五

藝文詩上

十

新景知何景常談見不談雞聲方喔喔倚閣望江南

其八

兵戈驚滿眼尙是赤眉塵長嘯書空字捫心叩淨因
鬼呼新夜雨人怯早花春但得親嘗健長纓自許身

其九

轉晌光陰疾難更不染心山河愁世改帶礪想恩深
歷數渾非舊人情頓是今離騷聊自展一讀一悲吟

其十

心事期何許春風亦刺人古交堪共醉遠道恐傷神
劍舞留殘照鐘鳴警惰身梅花隨意綠淡淡若爲新

前題

容羨田旣霖
夏雲

每慶靈長運奚爲厄此年金甌誰撞破玉步乍廻旋
大野寒煙燼深心魏闕懸如何舊赤子秉耒佃新塵

其二

獨憐將盡夜反側自忘勞莫問連昌竹空悲露井桃
堂階停舞袖樂部罷鳴靴把舵無三老驚風任掣舸

其三

書生敦大義豈盡諉儒酸爾足誰存楚揮戈孰戰韓
遐思創業苦方信守成難漫遣今宵憾能言不繫官

其四

長樂縣志

卷之十五

藝文詩上

十一

承平十一葉令節鬪紛奢詎意鴻鈞轉俄成鑄錯差
愁聞新曙鼓痛惜舊天家定省今宵事明王夢已遐

其五

歲序將分日留連共此時樽前頻看劍燈下懶敲棋
誰任神州責還祈半壁支五陵佳氣在未必盡朱翁

其六

壯士驚心苦分甘不似甘盟心期白水臨敵媿黃柑
別歲書空字迎春等戲談一天愁欲墜何事面山南

其七

坐嘆山河舊蕭蕭舉目塵杞人憂已久梅市諫無因

祖享誰家膺王正改歲春來朝望北闕還是歷朝身

其八

獵火照山林梅花驚我心
啣杯留夜永剪燭忘更深
魚袋佩猶古銅駝感見今
壁間虫語響啣啣似秋吟

其九

歲裏看春鏡鬢眉是本來乍悲摧日馭還感失年杯
艷舞將移節芳心寄落梅誰羹臬破鏡可以慰茲哀

其十

何故當今夕燈光不媚人青萍幾自吼綠綺強留神
孰是迴天力空存戴國身不堪過夜半春事又從新

長樂縣志

卷之十五

藝文詩上

十二

前題

田甘霖

一堂宜燕喜何意感流年坐看堯奠盡難揮魯日還
主恩深未泯臣爵好徒懸此際承明客朝廷作市廛

其二

痛惜朝中黨相傾枉自勞文人誇御李勇士但爭桃
遂覩周遷轍誰爲魯播鞞花源如可問還願引漁舸

其三

紀年催此夕新比故如何漏滴人行盡鶴鳴夜半過
觀梅燈有艷看劍水無波白髮愁公室雄圖氣詎磨

其四

黃金橫帶子若個抱辛酸
劔客無三楚師貞少一韓
休心梅福易執筆董狐難
覆餗還辭咎誰居鼎鼎官
其五

如何當此夕寂寂減分奢
辭漢悲翁仲吟騷續景差
憂虞先草莽憫念自仙家
舉酒難爲壽高堂意獨遐
其六

誰釀年來禍舉朝亟失時
人人皆狡兔著著是卑基
朱紱虛邀寵黃巾竟莫支
近來嫌爾輩只自選娥眉
其七

今古須臾異遷流意未甘
強將難老酒共剖上春柑
長樂縣志

卷之十五

藝文詩上

十三

問夜誰成夢觸愁倚共談
聞雞將欲舞越石志歸南
其八

咄嗟倚檻望靡改百年心
氣涌椒漿淺淚彈燭液深
山河仍自古城郭已成今
滿眼傷神處難成別歲吟
其九

好春人自愛惟此怯春來
豈少侯鯖味難浮洗腆杯
忿深時看劍歷盡忍探梅
各負匡時憾非關學杞哀
其十

寥寥當歲晚重歎國無人
椒栢寧知味花燈漫慶神
遙心終有托故冊可隨身
相對看山色還隨節叙新

悲慨滿紙令人不敢多讀嚴平子評

遣戍畢節有作寄達容美宣慰田特雲

明相 文安之 鐵菴 東湖人

畢節吾師也忘機懶荷鋏主方潛白水臣合老紅苗
豺虎心何厭兇殘眾所驕滿懷悲憤事留與話漁樵

詠紅豆

饑不餐紅豆嗟來事有無翻疑饒杜甫拾橡當朝餉
筆渴蘭朝吐霧深鬼畫呼可知臨食嘆不獨一庸儒

懷故園諸兄卽以見寄

容美司 田宗文 國華明末避亂寓澧州

門接巴西古山連蜀道難荆花空自發玉樹許誰看

長樂縣志

卷之十五

藝文詩上

古

族夢驚鴻斷鄉心帶雨殘何時北堂上長日共承歡

有懷容美田特雲棠蔭深處兼寄

布政使 徐天星 子星

棠蔭經行處山川萬古新芝蘭原有種天地迴無塵

鳥語笙簧奏花飛錦繡陳前賢仍未往如在武陵津

中秋夜遲月不至有懷

田商霖 珠濤容美司派

良夕懷佳士容光未肯明微聞疎漏滴畧見曙星橫

自伏烏皮臥誰同白酒傾好秋虛此夜兀坐至更深

山居

容美 田舜年 九峯

學得尋仙法無煩一念中直覺詩難盡還將畫比工

逡巡無事酒斟酌喜花風靜約烟蘿月殘霞未斂紅
其二

着眼天無限無非靜者供對雲覓好句臨水認歡容
鳥語雜分籟溪煙淡著松輞川真景色一半或堪踪

其三

一榻宜閒性殘書日半窗村農勤覓酒熟客厭驚
水落添清響樵吟送遠腔但能閒作賦何必近三江

其四

帶影尋溪上閒心數泳魚選藤充几杖第石伴圖書
小出能頻至孤遊勝索居雖云殊汗漫自喜得常如

長樂縣志

卷之十五

藝文詩上

十五

其五

性不欺雲壑情慙境自新山山堪作畫岸岸可垂綸
兀坐琴三弄閒吟酒一巡紅塵都不染卽是古皇民

夏日過雙雲鏡池閣

有序

田甘露

特雲
容羨司

久不至鏡池閣偶步園中榻茂荷香景物與疇昔
無殊痛茲成病因賦短章 按田雙雲帥府在今
白溢寨鏡池閣疑居其中然而不可考矣

嘉樹何曾異朱華仍昔開謝公時自悵賀監已成乖
對景愁高侶微吟動古哀蓬門絕馬迹不忍尙頻來

國朝

五峯贈別黃文川前尹

邑宰 羅均 均 潛菴 福建 邵武 健士

千里山城遠初來恰值春欣逢舊令尹即是故鄉人
善政留青碣歸帆蹴白蘋遙知江上夢還記五峯民

漁關晚眺

把總 陳清源 卓泉 隨州人

晚步前營外迎眸列畫屏溪流通峽白山勢入關青

樵出崖邊路漁歸柳外汀忽來風一線半帶藕花馨

灣潭秋月

邑宰 喬守中 蘭 沁山西 聞喜人

灣潭灣裏月清賞最宜秋野曠光先到波平影不流

幽添騷客趣遠觸故鄉愁三載山城寄良宵憶此游

長樂縣志

卷之十五

藝文詩上

六

前題

王清暉 玉山 邑岸生

覽盡灣潭勝秋空月在天鏡飛千尺朗波湧一輪圓

桂樹丹侵水蘆花白帶烟深宵吹鐵笛驚起老龍眠

白溢晴嵐

李煥春

嵐光開白溢晴景望嶽奇淺翠雄關滴濃青大塞滋

人家屏幃列帥府畫圖披古蹟堪憑弔山留夕照時

縣署見燕

乙亥春作

王 職

是否烏衣隊追隨遠地來鶯聽音上下習見影徘徊

試剪揮塵署呼雛上玉臺年年尋舊主春去又秋回

別燕

有序

余以甲戌秋蒞樂次年春社後二日忽來數
燕巢於聽事梁上經秋始去嗣後歷歲增多
至庚辰春數之成巢三十六每於據案判事
時呢喃上下滿堂飛舞絕不避人予亦狎而
愛之尤喜其性靈且潔從無纖塵黷污詢之
老役皆云自建署來未嘗有此羣然稱慶嘻
燕豈以吾爲烏衣舊主故到此相隨歎抑或
以吾慈心愛物默相感應歟吾不敢知今將
卸篆去未免有情何忍遽舍昔日有見燕詩
茲更成別燕二律以紀懷

長樂縣志

卷之十五

藝文志下

十七

燕燕堂前舞巢門卅六開三春頻有約七載兩無猜
署冷難爲主身輕不染埃喃喃如惜別愛爾首重回

爾去仍旋返吾行可否回多情縈別夢欲語訢離杯
月夜香泥膩花朝繡剪開幾年飛舞處更有主人來

書院夕照

喬守中

樓閣起山巔參差落照邊書聲出粉院日影度花磚
志切分陰惜情因薄暮牽餘霞天際散艷惹筆花鮮

前題

向日暉

曉階
邑庠生

藝院起高岡餘暉射夕陽樓頭蒸返景山色透嵐光

風送芸篇味霞舒彩筆芒舉頭真近日長嘯讀書堂
漁關晚唱

喬守中

何處謳歌起漁關晚泊船聲喧垂柳岸韻徹夕陽天
估客情如斫舟人樂以傳星星燈火外不辨水和煙
前題

王清暉

漁唱起漁關悠然震市闕新腔猶隔岸斜日半銜山
烟景迷離處歌聲款乃間橫江長笛起縹緲野雲閒
菩提積雪

長樂縣志

卷之十五

藝文詩上

六

李煥春

寨啟菩提峻山頭雪積瓊陰凝千仞嶺寒逼五峯城
玉蕊非無樹銀花尚有英尋梅驢背穩高處寄詩情

文星閣秋日晚眺

鄒克讓 邑庠生

四壁夕陽紅山城晚眺中霞光蒸堞近嵐氣潑樓空
瀟灑書齋外幽閒古嶺東登臺遙望處天半數飛鴻

登百年關

陳仁齡 邑庠生

百年關勢迥人馬半空行雲起從頭合風生拂袖清
鶯聲深樹度鳥道夕陽橫漸喜漁洋去悠悠入蕩平

壺瓶滴翠

李煥春

山聳壺瓶樣高將黛色描青流水已解翠滴凍初消
艷送花千樹濃傾酒一瓢安能提挈去作畫繪蛟綃
石柱排雲

天柱何曾折猶看石削成雲來千尺接日落九根撐
斧鑿痕都化虛空勢獨擎隨時規礎潤霖雨慰蒼生

菖蒲溪

駱世香

蘭陵
邑武庠

溪上菖蒲茂葱龍照眼前青侵沙岸柳翠藹石橋煙
倒影涵晴岫臨流愛野泉幽人心智啟
本草菖蒲勝
開人心智勝
境任流連

乾溝

關福

長樂縣志

卷之十五

藝文志下

七

十里乾溝地紆徐費轉旋猿聲空谷外鳥道斷巖邊
蘚護干盤磴雲遮一線天有時風送雨急瀨吐蛟涎

後冲夕照

田嶺南

梅林
邑增生

陌上人驅犢村邊樹集鴉高岡通古道落日照殘霞
纔覺炊烟暝旋看月影賒山林多樂事燒燭話桑麻

天齊晚鐘

落日淡危樓鳧鐘過耳幽聲從天外落僧在月邊遊
搖蕩餘音遠蒼茫暮靄浮此時茅店客欲去復淹留

文筆峯

陳宜政

帥亭
邑庠生

笑兀凌空起如椽筆儼然尖鋒含細雨銳穎裹朝烟

霧展千層紙雲舒五色箋有時凌絕頂寫句直驚天

城河春漲

王清輝

春雨過春城春潮拍岸平山隨波影動石激浪花生
雉堞餘寒氣鯨濤作吼聲石梁橋上望一帶曉烟橫

菩提霽雪

雪滿菩提頂雲開日漸升天寒無睡鶴寺古有歸僧
簷溜滴殘雨溪流帶斷冰梅花何處訪香在最高層

簑衣石

誰脫簑衣去灘頭石尙留斜披兩岸雨橫臥一江秋
破欲憑苔補寒仍帶月流茫茫烟水裏誰載上漁舟

長樂縣志

卷之十五

藝文志下

十

讀九峯公田氏一家言感賦

田泰斗

掌大一山川雄支五百年干戈中秀士流品外官員
治雜華戎俗民猶混沌天至今殘簡裏隱隱起烽烟

二

橫絕英雄筆風聲繞不休一家私典策半部小春秋
宣慰邦之彥將軍儒者流摩崖碑在否洞口水悠悠

三

欲教千古信須擇雅馴言石走墨胡墜詞荒事莫論
汗功取塞外血泪洒都門如此忠勤迹差堪示子孫

四

我亦周遺子豪情鄙孟嘗
葵心甘向日槐穴耻稱王
雨露

熙朝渥衣冠漢代香惟留家陣法馳騁入詞場

和讀一家言原韻

李煥春

僻壤鮮平川窮荒不計年
漢唐延世系茅土錫司員
荆樹應多蔭桃源別有天
一家機杼好筆墨挾雲烟

二

徵調文書急英雄事業休
勲庸空百世文字足千秋
荒服非無土王家已設流
只餘遺稿在誰和韻悠悠

三

長樂縣志

卷之十五

藝文志下

五

鐵篆雖云失珠璣剩雅言
龍文經我讀鴻製與君論
手著皆芳澤心裁是法門
九峯詞賦古繼起有雲孫

四

嘯詠綿瓜瓞家肴代可嘗
詞源驚倒峽筆陣擅擒王
史冊承新纂詩歌發古香
奇才仍保傅又獨步文場

春日山居

有序

李素

自庚戌侍家大人至五峯
已半載矣此地僻處山
陬迥殊城市因以山居命題
勉用老杜春日江村

韻

侍宦遊三楚山居樂倍深
花香濃撲鼻水色淨明心

化聽朱絃播春思紫陌尋韶光莫辜負賞興趁如今

二

春暖山城僻風光又半年閒雲停遠岫旭日印清泉
幽谷聽鶯囀芳軒任鶴穿僑居聊遣興攜句問青天

三

池生芳草綠園種小桃紅拾翠披朝露尋香拂晚風
詩歌懷里社習俗問村翁指點陽和遍五峯烟雨中

四

極目園林外飛花襯綠苔好山都作障嘉樹半成材
午漏槐衙歇春觴草閣開趨庭陪宴賞令我獻詩來

長樂縣志

卷之十五

藝文詩上

三

五

草堂舒嘯處澹泊志平生覽盡烟霞勝欣逢草木榮
鄴書勤誦讀洛紙貴聲名安得出山去鵬程動遠情

石柱山

凌楚珩荆門

荆南標石柱並豎白雲間作雨金臺礎擎天玉筍班
高撐雲跌蕩低礪水彎環如此奇峯勢凌雲未易攀

玉簪花

山名

鄭蘭階

莫羨峭芙蓉如花更有峯脫簪成妙致蘊玉著芳容
四序英常吐千秋秀自鍾登高觀彼美為喜髻雲鬆

五峯山

鄭光裕

五老鬚眉古巍然聳太虛真形同嶽峙異彩類雲舒
城市寒流畔山樓夕照餘奇峯如指削相望每躊躇

登文星閣

鄭光宣

飛閣撐雲際高登耳目開
櫺疎看月上鈴響識風來
地勢雄東嶺文章耀上台
凌雲心自壯作賦展宏才

百年關

鄭光恒

自古防邊患雄關險絕倫
峯危花作障徑曲草成茵
馬喘應愁客鷄鳴肯度人
百年無戰陣前路達通津

清水灣

鄭定蘭

散步蘆華岸臨流測淺深
藉茲清水色照澈古人心

長樂縣志

卷之十五

藝文詩上

五

橋影橫桃浪灘聲透柳陰
此時灣畔坐風月滌塵襟

五峰卽事

王培厚

長樂樂何事時烹容美茶
山紅留過客樹赤待歸鴉
欲雨雲騰岫尋香蜂放衙
吏無迎送苦有地自栽花

其二

長樂樂何事衣桁夜不收
衆峰爭戶列一水繞街流
包谷洋芋飯桐花木子油
家家茆葢屋終歲飽無憂

其三

長樂樂何事東隣大德居
春花喜共賞秋棘惡同鋤
酷暑驅蚊蚋凝冰養鯉魚
文章培士氣他處可能如

其四

長樂樂何事深山遇故人三杯酬宿昔一語證前因
署冷誇蕭寺官卑愛野民時艱慎出處莫負等閑身

送七弟右吾旋里

鄭敦祐 壽丞

春深纔聚首冬仲即還家自合依護閣其如感棣華
五峯檢行篋三楚泛歸槎宦味竟何補易與離別差

五言俳律

明

送文鐵菴先生往施州

先生向以避寇至此僑寓平山

田元

秋水悽懷日谿橋悵別時緩隨赤舄步微詠白駒詩
亡國音同哽無家路倍歧烽煙匝楚甸警蹕遠京畿
對此新亭酒那堪麥秀悲救時雖有畧用武欲何施
遵渚瞻鴻羽草麻輟鳳池愁聽望帝血空感峴山碑
北闕勞魂夢東山暫委蛇幸邀安道訪難釋紫芝眷
炊黍尊前約牽衣問後期竹郎餘勝槩石室有芳規

長樂縣志

卷之十五

藝文詩上

三

教澤原無遠從來照不疲

贈容美田九峯宜慰

明太史

嚴首昇

一名頤平子華容人

自古占雲氣西南每陸離荆峯連蜀道湧壑散州支
大漢卿雲爽先秦屈宋奇容陽障半壁田氏宿多辭
擅業云誰美競誇是我師騷壇列爵士賓國異羈縻
歷代開東閣全家盡白眉西京基肇造中業器持斲
茅胙隨封守山河仗翼爲介圭藏禹迹金簡拾秦遺
拮据墉兼壑優游琴與棋和平頌式廓安吉賦維祺
位極迴班列賞延永念茲太常頻奏績石室秘全窺

江表聲騰振洛陽價不貲高曾饒爾雅遲暮益多姿
縮地嗟云遠承流鬱所私河東賦有日南郭隱誰知
却媿黃車使何緣白壁追探奇君罄笈謀野我成詞
此日疑觀海平生慰兼彝頻傾采葛意過損買山資
顧我髦將至知君老不疑青天道未阻黃髮重堪思

國朝

奉和原韻

田舜年

三楚文烽燼章臺煉正離漆園先往牒鈞澤慶傳支
名字先朝大襟懷歷代奇金門稱獨對丞相折安辭
有志維嘉運何慳列爵縻文場真宿將翰海大宗師
三上匡時畧雙鸞破賊眉高天宣跼踏大地免傾欹

長樂縣志

卷之十五

藝文詩下

三

義比龍鍾叟德鄰井渫爲陶家處士在嚴氏古民遺
問字揚雄酒閒遊王粲棊正襟餐道味潦倒著僧衣
達與才歧路安同壽纍茲太玄身後顯心史井中規
日擊全書出牙籤富貴賞選荒如賤子入室飽常兒
氣紫頻勞望河深隔展私幸因文舉薦得上禰衡知
拜首陳先事捫心述祖規遂登太史傳過勝百朋施
蒲柳蒸蘭畹康瓠重鼎彝還叨收薄技遙許接師資
自喜何緣分從今穩決疑報章慙下里永以志銘思

五峯贈別黃文川使君

馬元珍

魯村湖南
常德舉人

閩楚分南北雲山幾萬重苔岑雖各異

皇路快相逢一見知名譽初親領德容論交形跡淡知
已性情濃異姓方聯絡同寅永協恭殷勤談治畧纒
縈道幽胸酌酒尋三逕開軒對五峯詩敵真集錦月
玩更聞鐘自有才華卓誰言宦况慵清言霏玉屑古
意飲醇醲至樂應同子將離獨感儂漁關駒杳杳龍
洞水溶溶臥轍多兵買攀轅盡士農花驄含別恨竹
馬送當衝橋畔同攀柳坪邊共倚松琴停留古調鶴
去憶朝餐君意難爲減余情更獨鍾凝眸紅樹蔽迴
首白雲封指顧

頒恩命使君認舊踪重開金谷宴良晤復追從

長樂縣志

卷之十五

藝文詩下

五

贈別邑宰黃文川師

李大銑

邑人中南省舉

青達和煦日征馬欲旋時襦褲嗟來暮貞珉篆去思
萬民爭祖道多士競陳詩況乃及門弟親爲傳鉢師
真詮言外著理解秘中施自入春風座旋攀月桂枝
陸莊慙歲歉彭澤悵歸遲莫遂林泉隱還期雨露垂
五峯鴻有信千里鳳來儀

紫詣重膺矣蒼生共望之

漢溪舟中有作

軍功議叙張孔傳 邑貢生

素有澄清志茲身適在舟停杯辭古隘擊楫向中流
浪破龍潭口風來象嶺頭兩山蓬外送一葉鏡中浮

出峽驚漁唱行灘動客愁遙看夷道暮高咏漢溪秋
志不存湖海源應訪斗牛乘槎江上去此境接瀛洲

南坡煙雨

李煥春

北陌霏霖雨南坡起曉煙風薰來石畔星暗落峯巔
槐夢初封郡禾香正饁田鳥歸山外度豹隱霧中穿
針指輕絲霰關分繡縠浦邊滋草碧枝上護梅妍
嶺隔員通寺溪飛瀑布舍前春水漲窗外野雲連
罨靄當蓬戶空濛面綺窗晴登眺去門入九重天

石龍過江

見說漁洋隘溪光映綠窗聞龍渡水却覩石橫江

長樂縣志

卷之十五

藝文

三

甲許清流洗聲教碧浪撞晴雲纏彩五夜月弄珠雙
尾自過苔徑頭應點蘇缸一卷身已化三級力能扛
欲躍烟波活將騰錦漲淙乘風天可上霖雨潤名邦

前題

姜兆熊

一片玲瓏石千尋浩渺江虹垂橋影倒龍激浪聲撞
蘚積鱗成片磯分角露雙橫生雲靄靄直渡水淙淙
磐固心何轉飛騰勢未降爲霖應有志豈久臥漁缸

仙巖腰帶

李士廉

自有神仙骨巖棲體態超千尋開石面一帶束峯腰
袖拂霞成綺衣纏霧作綃聯雲羅淡疊濯雨玉輕飄

水繞紋應縹虹環彩孰描金圍紅芍艷絲結綠楊條
聞苑身常住金山跡未消垂紳蓬島近書草快登朝

代喬符卿恭紀 唐都轉蕩平朱栗寨詩四十

韻 乙丑二月二十二日

劉應垣

人傑湘南重奇勳楚北書三旬期可尅一鼓魄全除
功比天山捷師真地水符深謀成巧速決計斬魁渠
細柳千營合長楊萬姓蘇農桑歌樂土士女慶安居
憶自柔升木幾同虎負嶠藏身猶脫兔狂噬類豪豬
星慘櫬槍色日稽斧鉞誅寨乘朱栗險心較白狼狙
上相頻馳檄賢侯首建旗瑠戈明並雪赤幟望如荼

長樂縣志


卷之十五

藝文詩上

五

陘井難鳴鼓懸岩詎駕車羊腸愁塹曲馬足畏盤紆
况以崎嶇路而兼鳥鼠扶狡逾窟內窺悍勝宛中驅
幃幄神先運鈴轅畫獨區輕裘仍緩緩羽扇亦徐徐
智已追殘魄韜能用擊虛陣開休縱鶴筮注待烹魚
尚誘兼防詐行權且託愚牢籠衣一襲豁達馬雙駒
要使心堅敵能無力暫輸七番擒縱際五道暗攻餘
蛾果齊投火鯨爭共快屠甕中生煮鱉龍上朽摧枯
黨豈容逃網連誠不累株紅旗飛郡縣紫氣復田閭
鳧藻三軍樂鶯花二月娛酬來楓陞賞頌遍鄂城隅
威武欽名士瞻依愧末儒竊叨山邑宰濫厠齊廷竽

滿擬摧其翼誰知剝近膚有尸雖或負彼首竟模糊
民膜誠安集臣躬自結据三生北斗仰五夜辨香趨
既幸蠻煙洗還求黍谷噓和風吐珠玉明月鑑水壺
上德莫名也卮言其庶乎凱旋春正盛雲際荷天衢



五言古

明

天鳴明末事有序

容羨田商霖珠濤明博士

歲在辛丑夏秋之交先以亢旱淫淖繼之屆中秋朔後忽而天上作聲予不之省有驚以相告者未信也後七日乙卯抵暮果鳴庚申又鳴初從東南維起漸至中央次及西方其聲有如沸鑼松濤風雨攢蟻種種之異至夜露涼不能久待未知其何時已也生平所見地震星孛之變多矣未有如此之異者因作詩紀其事並誌感

上天本無言奚為數有聲搔首問碧落毋乃亦不平

長樂縣志

卷之十五

藝文詩上

二十七

既非絲與竹又非鏞與鉦陰陽自摩盪其音何錚錚初如風雨驟又如波濤驚須臾似蜂攢變作沸塗羹彷彿非一狀使我心怦怦嗟彼殺機發淫氣干太清星辰木石怪亦足兆佳兵矧此變非常敢信是休徵烽燧二十年歲歲苦相撓若更罹陽九寧不哀此懔我念高高上皇矣必好生願收震怒意聽此蟣蝨鳴

國朝

古楠樹歌

邑宰

徐輔忠

江西宜春進士

楠為棟梁材自古稱嘉樹植苟未宜澗阿宜沉痾斧斤遺橫加樗櫟儕輩附幸哉今美蔭乃在洲之渚栽培不計年老幹自軒舉洪濤任激衝沙礫憑措拒

飽歷諸雪霜曾不一齟齬大材本天成勁氣無消阻
中幹如柱石挺拔有常尊眾枝皆合抱拱立如兒孫
歲寒柯不改青陰茂且蕃何來遭小厄誤被野火焚
鬱攸從虛透炎上勢熾所濡禍縱蒙茸粹難解芬熅
賢尉師心智鑿空下水輪須臾如雨注燼絕掃沸塵
枝柯毫無損依然保輪囷輪囷得所滋疑有神力助
神光樹憑依樹蔭神回護神樹兩相倚長砥中流砥
築石堅其堤伐木新其耐捐貲賴邦人好義趨如鶩
煥然改舊觀關鎖屹鞏固我聞祠怒特乃在千年梓
無故遭剝擊曾莫勝葛藟滄桑有何常變更難懸揣

叮嚀囑邦人慎勿加苛厲留此棟梁材長此資屏蔽

勵志吟贈關生福

邑宰 孟登先

材固篤諸天才不囿於地五峯雖蠻鄉山川蓄靈異

秀氣聚漁關關生拔其萃昂首鷄羣鶴展足人中驥

前年下車初殷勤來問字文章喜清華詩律亦流利

去冬小試軍一舉遂奪幟從此戰文壇安往不得意

吾所重生者尤在敦品誼能安家室貧不損丈夫志

守身如處子終日戶常閉肯教一點瑕致貽畢生累

鄉黨無間言翕然稱孝弟吾既爲生嘉吾更爲生勵

士讀聖賢書所學果何事窮則獨善身達則兼善世

謝傳居東山望早蒼生繫范公坐草茅心關天下計
豈其妄期許所貴高位置世間可造才往往自暴棄
良田弗耕耘安望豐收歲美玉弗琢磨難成廊廟器
忍性兼動心方許畀重寄生也勉乎哉努力期奮志
鵬搏九萬程誰能限所至

贈賴鏡河

譚大猷 慎夫長陽縣庠生

吾楚有畸士礪何千丈松出語驚市兒吐氣作長虹
少年走燕趙挾策干王公文章高司馬運阨羅江東
對客輕寶劍俠名滿衚衕八載滯京華貂裘任蒙
戎五峯好山水天際認歸鴻杜門謝時輩乾坤眼底

長樂縣志

卷之十五

藝文詩上

无

空樽酒銷爐火杭田享歲豐人生貴自得何必論窮通

荒年行

田泰斗

淒淒復淒淒嬌兒隨母嗁阿爺何銷瘦阿母何黑黧

解一含淚告嬌兒凶年饑復饑甑中塵漠漠三日不曾

解二炊厨有數升糧帶笑低呼娘太息兒勿索作種播

解三田岡富戶積粟紅勸爺去傭工半扣去年債歸來

解四空復空里正昨日來社倉不日開饔殮縱難久鼓

解五腹且一回明朝又絕烟且去耘瓜田久饑難舉力

解六桑柘陰下眠嬌兒嗁更嗁淒淒復淒淒寄語示牧

者何以濟羣黎解七

公餘草堂讀書有懷向生

孟登先

老年寡嗜好惟愛時披書署後半畝園藉以作吾廬
魚鳥任飛躍歲序忘乘除此中若有得形骸常安舒
昔日所聞識見解於今殊梅花正放候夕陽西去初
之子不過我搔首頻踟蹰

晚眺五峯

邑庠 鄭定寬 一名望之 鶴山

薄暮古城西騁懷且遊日日斜望五峯秀奪楚山綠
織指綺霞舒綵衣晚雲續歸鴉噪黃昏復向故林宿
而我愛登臨行止無拘束層巒掛月明徘徊空山曲

鳳仙謠

曹之新

長樂縣志

卷之十五

藝文詩上

三

中春作門屋聊以當籬籬置之廳左前西傍崇聖祠
齋夫門斗輩羣以儀呼之此門何足儀其儀何足奇
所嗟院落中蕪穢久不治我作公幹回齋夫紛離披
蔣以萬壽菊植以向日葵有花號鳳仙排行集堦墀
却顧問嘉名草木將誰欺鳳兮何處來仙乎奚以為
豈覽德輝下終然到蓬池顧名而思義將毋德之衰
鳳仙前致辭先生休涉疑人生天地間聖凡難等齊
草木與鳥獸靈蠢各適宜古來稱鳳者遭遇會有時
阿閣與虞廷卷阿與西岐距今數千載想慕有餘姿
其如乏仙骨一去無還期儂是鳳中仙羽化而歲隄

不飛亦不鳴不飽亦不餓雜植羣卉中翩然雜與樾
聊試舒其華五采光陸離一年一度至名實眾所推
天下方有道願近聖人居得其門者寡茲焉一來儀
致語謝齋夫爲報門斗知相與覓桐竹姑聽鸞鳩啞

遊龍洞

鄭敦和右吾
長沙人

挈伴出郭門攬勝還窮異奇山迎面來殷勤勸停轡
遂循山徑行悠然接空翠洞口左右旋逐漸入幽邃
石壁逼崿岫陰厓走魍魅耳畔如吼雷興濃心轉悸
誰知萬古穴靜中含動意滴滴投巨壑潭空石髓墜
境黯目無睹水深足憑試不有列炬光誰發此間秘

長樂縣志

卷之五

藝文詩上

五

前程覺渺茫中途得平地小憩欲豪呼恐驚蟄龍睡
更思窮其源燈炮願難遂未免壯遊心辜負雙蠟屐
山靈笑慰子遊行志毋忒造物貴有餘深求反干忌
不如退步思或爲後來計長嘯催歸鞭清風有殊致
送客驅泉聲遙遙出煙際

長樂縣志卷之十五藝文詩集下

六言

荷珠

按三詩自第一首首二句下皆竄改者

田舜年

瞥見和盤托出輕圓怕觸封姨夜光放來璀璨明月
照見漣漪拾取如供蓮座儘教念念牟尼

荷筆

孰向西湖試筆芙蓉出水多姿果爾生花豔冶宛然
擲管陸離底事書空咄咄烟雲錯落臨池

荷錢

水國散來阿堵波心疊疊勻施鷺眼幾穿荇蒂鯨文

長樂縣志

卷之十五

藝文詩下

三

欲貫藕絲買得水仙巧笑花容濃淡相宜

綠漪堂自遣

楊塤壽 鑿坡邑廩生

追日攜夸父杖臨風掛許由瓢一樣存心太執兩般
癡念未消

杏雨松風入座葯鑪茶鼎隨身偶看龍孫長大連斟

酒毋醞醇

無絃自可成曲有髮何妨名僧如許新機自出莫慢
故步相仍

淵明里原號栗純節莊亦名蕉不歷宦場憔悴那知
野趣逍遙

七言絕句

明

送友人

田圭

雙溪橋畔水悠悠相送行人過渡頭遙望玉鞭馬上
指晴煙芳草獨登樓

其二

綠楊深處亂啼鶯隨手折枝贈遠行遮斷白雲山曲
裏紫騮嘶去不分明

國朝

員通坡駐宿

邑宰黃濤文川

行色匆匆強出城員通小憇候征程盤餐捧出主人

長樂縣志

卷之十五

藝文詩下

三

意珠玉投來故友情

其一

張家素稔舊家聲

主人張姓詩禮傳家

紙筆紛披任縱橫非愛

書工堪補壁欲留真蹟慰離情

其三

越嶺攜壺意未傾送官猶勝接官情共圖一醉朦朧
別莫聽河橋柳上鶯

漁洋關登舟

稽留三宿出關津滿路桃花笑可人回首五峯煙樹
渺溪山屢向夢中親

其二

春雨霏霏夜達晨閒停古寺草書新
是日士民求書者甚多
送
迎父老爭來集捧硯從容擊節頻

其三

漁洋祖餞盡江濱曲唱陽關更愴神
解纜明朝風景異那堪常別五峯人

灣潭秋月

邑恩貢即用直隸分州

陳煥然 文川

月到秋中月倍明千潭月印更雙清
近人最是灣潭月彷彿飛身月裏行

澄潭上下月難分相對欣然樂不羣
莎廳朗似開宮

長樂縣志

卷之十五

藝文詩下

三

殿山市燦如映彩雲

前題

王正卓 邑貢生

一灣潭小注清流月映秋波色更幽
澈底空明塵不染蟾光水影兩悠悠

雙龍吐泉

陳煥然

天使雙龍伏洞中源泉滾滾出無窮
雨時清潔晴時濁奇幻應教問化工

火山早熟

山地多寒節氣遲西成總在晚秋時
火山五月嘗新穀正值分秧好雨滋

畫橋觀圖

石暈天然太極圖
橋頭駐望不模糊
陰陽妙理分明見
日映溪心月映湖

前題

鄒克鎮 邑庠生

水底紋鱗石上形
交橫荇藻認分明
濠梁別有觀魚樂
不待桃花錦浪生

涵春亭題額

徐輔忠

移得小橋過短亭
桐陰竹雨夢忪惺
縱然一勺春波窄
涵却天光萬里青

丙寅九月留別漁關士民

宜昌同知王信芳 江西舉人

長樂縣志

卷之十五

藝文詩下

畫

五載兢兢一護銜
並無恩惠及民
晶霜楓落葉紅如
滴兩岸離人泪滿衫

焚香盡是送行船
兩袖清風竟值錢
為語山人休顧我
秋空無處不青天

七姊妹山

李煥春

仙子何年下九霄
七娘

又名七娘尖

分列暹容嬌隨時折

屐深惆悵雨洗烟
鬟黛未消

牛鹿頭

問是牛頭是鹿頭
徘徊歧路馬難收
容陽舊地分州縣
山上白雲千古浮

金鰲洲古楠

兩山聳翠夾溪流坪下金鰲倏湧洲古木不教凡火
燬泰山寺外綠陰稠

灣潭渡水上大小九門

灣潭灣畔碧雲村渡水行來至九門日落西風吹袂

冷亂山紅樹月黃昏

深溪河

係灣潭保之深溪

空桐

溪水發源於空桐樹

牛鼻

山下一石若牛鼻然土人謂之牛鼻孔有水流

水成

潭匯出深溪流向南兩岸人家烟樹裏門前山色送

晴嵐

長樂縣志

卷之十五

藝文詩下

三五

春日出東門見白鹿莊村落桃花

五峯城外逕欹斜白鹿莊前景色奢此日春風吹殆

遍深山村落放桃花

九日自塢坪上乾溪諸山

宦途幾載歷深山登高隨處見孱顏此日塢坪溪以

上置身疑在彩雲間

白溢塞

喬守中

田廬高闢接層雲雞犬聲如天上聞彷彿桃源仙境

裏西成東作趁晴曛

隔人潭

李煥春

水灘頭下隔人潭兩岸高峯滴翠嵐擬學飛仙過
水蓬萊山頂醉紅酣

九日同人登迴龍觀

縣丞 羅文杰 莆田四川富順監生

釀得重陽酒一卮載來登眺共相知迴龍觀裏題糕
字正是劉郎擱筆時

雷打石

薛德紹 邑庠生

一聲霹靂震山側剖出封疆南與北石破天驚兩地
分千秋雷火留紅色

金銀灌斛

峽門出水激飛花一派光明望最嘉灌下金銀知滿

長樂縣志

卷之十五

藝文詩下

三

斛深溪夜靜韻誼譁

碓臼巖

巖石何來巧匠功生成碓臼宛相同欲春斗粟凌雲
上玉杵應教借月中

將軍山

鄒嶧山 幹園邑庠生

巖巖氣象望中分特立摩天迥不羣試問五峯諸嶺
岫英名誰似此將軍

龍口出雲

田嶧南 琴陽邑庠生

羣山高處現屏山山在氤氳變化間報道是龍君不
信霎時膏雨滿人寰

後衝夕照

柳暗花明一逕斜夕陽衝口晚峯遮牧童短笛橫牛背回首前村數暮鴉

峽口漁唱

軍功議叙八品楊士鵬鳳山邑增生

溪流滾滾兩山邊一綫蒼波入洞天薄暮忽聞歌水調漁郎疑是武陵仙

前題

關福

峽口層巒欲暮天漁郎儘似武陵仙歌聲半雜溪聲遠一樹垂楊一釣船

前題

陳清源

長樂縣志

卷之十五

藝文詩下

三七

茫茫峽口水流東漁子歸來趁晚風一曲歌聲來縹渺知他船在水當中

登趙家坡玩月

楊士鵬

放鶴山頭數畝田光侵秋月皓無邊登臨不禁凌霄意欲向蟾宮話濟川

隆慶晨鐘

古庵信有散花仙梵唄頻喧曙後天想為紅塵多俗夢敲鐘驚醒夜長眠

前題

楊福煌暉菴邑拔貢

參橫月落啟山門梵唄低吟祇樹園撞徹洪鐘三五

疊曉風吹遍漢陽村

天堰曉霧

峯高不放曉晴開
片刻飄風送雨來
水滿漁洋花滿路
紅桃綠葉合雲裁

前題

郭正泰

初齋 邑貢生

天堰坡高勢掃天
晴風日日翠山巔
曉來霧氣長林積
信有甘霖潤甫田

連山晴雪

蔣志傑

桂巷 邑庠生

嵐光霽霽入虛清
殘雪分明見曉晴
遙指連天巔白處
山頭人在畫中行

長樂縣志

卷之十五

藝文類下

三十六

前題

關

福

連山積雪白如銀
恰到天關真念新
溪畔石梁巖畔路
梅花香趁曉歸人

漢溪飛

楊福燦

旭菴 邑庠生

山溪添漲碧流深
浦浦帆入翠欄陰
綠水一灣波渺渺
關南古樹綠森森

漢溪夜雨

郭正泰

日暖風和三月五
去歲殘陰消淺淡
窗前更闌起聽風
催雨曙後春波綠

前題

楊福燦

雲鎖層岳入夜天風催驟雨落簷前蓬頭浪打溪聲
急驚起鴉嫩撥火然

細雨良霄落九天曉來悵望漢溪烟灘頭浪擁桃花
瓣龍洞新添一寸泉

灘口早霜

李

渠

石閣長陽貢生

沙灘漁火五更天愁聽鐘聲到客船曉起推篷窗外
望半林紅葉落橋邊

前題

楊福煌

汀草寒封碧接天沙灘猶繫釣人船估魚怕印橋頭
迹坐晒簑衣渡口邊

長樂縣志

卷之十五

藝文詩下

三九

古嶺夕照

二水中分半壁山斜陽初上畫橋灣齋頭野色飛霞
綺指點羣鴉入漢關

立秋前五日自灣潭歸暑寒甚止宿茅莊

邑少尹

張

淳

厚堂陝西人

從公踏破白雲巒未秋時節似冬寒尋得山家沽酒
醉茅莊夜靜怯衾單

灣潭道中

一山未盡一山迎蹊逕曾無半里平盡日撥雲登鳥
道夜來枕上聽溪聲

龍潭秋月

陳清源

皓月臨秋淨似磨潭空更覺漾金波微風蹙處寒光動
推出龍宮玉一窩

望鶴樓望仙鶴山

田泰斗

當年子晉赴緱山遺落仙禽化曉鬟只恐倚樓吹玉
笛一聲驚起白雲間

送別丁漢川十一首之一

記從干羽掃蠻烟

文德覃敷已百年五峯從改土來多少風光人未識桂花

時節杏花天

長樂縣志

卷之十五

藝文志下

四

晚步至瑞應泉

關福

瑞應泉邊仔細看綠漪蕩漾碧闌干是誰寫興偏先
我石上題詩墨未乾

龍潭秋月

漁關八景之一

王光德

一齋邑職員

月印潭心水不波石龍照見渡銀河

河中有石如龍俗稱石龍過江

明珠一掬應探得好詠霓裳向大羅

紅巖腦遇雨

楊福煌

登臨只此比天台惟少桃花爛熳開莫惜衣衫深淺
濕曾騎龍背踏雲來

鳳仙雜咏十首

邑訓導曹之新惕三

天天灼灼小桃紅次第聯翩集院中浪說元都觀裏
樹劉郎去後杳無踪小桃

冷署無緣蓄誨租可誰贏得早珍珠却愁三五月明
夜牆外掠人按劍趨早珍珠

滄海從來納百川時花那敢敵涓涓莫非歷盡桑田
劫飛入蓬瀛斷俗緣海納

狀頭人屬奇男子蔣笙陔立鏞丹林先生之仲子也
余客京邸時為忘年交聞今科得
狀頭喜不自禁故因
咏鳳仙而不覺入筆到眼花開好女兒威鳳何須

勞忌諱如今不是宋宮時好女兒
本是秦樓第一枝半施粉澤半胭脂只因帝女花無

長樂縣志

卷之十五

藝文詩下

單一

伴侍婢端求好女兒菊婢

道流不作作儒流散得天花孰點頭今日階前逢羽

客莫教饒舌話瀛洲羽客

誰將頰玉搗閨中染得十尖鸚嘴紅故把瑤琴彈一

曲桃花流水笑春風落花流水

好鳥枝頭亦朋友落花水面皆文章用朱子句花自噴香

鳥無語真成仙子不雌黃同前

葉有金膏能倒影子雖急性解催生到門有客題凡

鳥錯認山間側媚人倒影花 急性子

吟罷仙花興未闌閒情走筆問闌干向來苜蓿今何

在輪却花房露滿盤

山中大霧

鳳岡 杜歧庭 邑庠生

柳青李白海棠紅都在蒼茫大霧中只恐春光輕洩
漏四山遍設碧紗籠

長樂縣志

卷之十五

藝文詩下

四

七言律

明

寄懷文鐵菴先生

容美田 玄 太初

荒遐無辭即古邊山山蠟屐逸風煙文能移俗居何
陋經可傳人隱亦賢幾地會留荀令馥諸藩遙問晉
公年邇來關塞驚烽迫為恐籃輿更遠遷

奉答容美田太初宣慰

明相國 文安之 鐵菴

久拚身老白雲邊辟穀經時歇旱煙十畝荷鋤聊散

長樂縣志

卷之十五

藝文詩下

後署

聖中流擊楫仗諸賢關西米淨朱耆部江左新傳赤
伏年水外竹籬如可借欲將蠖伏當鶯遷

奉陪相國鐵菴文夫子觀雨中白蓮分賦二首

田霽霖

淨植亭亭意象嘉雨絲風片任橫斜徘徊自賞清真
趣淡漠如嫌點染加仙子榻來拾翠羽騷人漫擬新
踈麻先生况是濂溪侶素質尤煩綵筆誇

其二

淨洗鉛華曉鏡中清香披拂倚微風不移玉井千年
色較勝西湖十里紅贈佩解憐珠粲粲凌波偏稱雨

濛濛當筵幸有瀛臺客詠賞應拚醉碧筒

黃中舍評 二首自喻喻人俱有深意即景寫情

應臻上乘

同容美宣慰田雙雲觀雨中白蓮分賦二首

文安之

露渠新汎雨絲香簇簇含蕤薦夜涼色歛黛眉初試
粉蕊分檀暈乍勻黃詠從想像渾如夢濯盡娉婷不
是教醉起步檐雙眼醒細叅清韻影斜陽

其二

曉氣初蒸露掌明空濛如隱濺珠聲祇疑拭浴溫泉

長樂縣志

卷之十五

藝文詩下

吳

淨猶帶嬌憨子夜輕素練未容生色畫香塵不逐艷
歌行一泓遙祝閒雲碧更引朝光入鏡清

送別張某還五峯兼柬文田得咸字

田旣霖

別緒綿綿語燕喃明煙綠瀟灑征衫花間長揖先攜
手馬上添盃強執銜郵館自陪惟白恰修途相送付
丹函到家細簡歸裝裏片紙煩君寄阿咸

張某將還五峯諸友爲詩留之限韻

田旣霖

夜雨西牕燭影寒愁聞計日發征鞍主人投轄情先

急遊女牽衣別更難一醉拚酖白社飲八峯休促紫
雲看荷錢榴火序方始盼取歸期儘自寬

登五峯懷鵬初兄

田九齡

步出遙天騁望奇白雲寒色坐相思談詩澤國銜盃
處折柳章臺握手時對客何曾羞獷鼻逢時翻自悔
蛾眉怪來不遣三秋鴈南望蒼梧莫可期

登五峯

何年五老幻西隈天削芙蓉降玉臺葉葉渾如從地
湧飛飛都似自空來長星好是虞庭度佛骨居然慧
頂開欲向此中搏鵠騎崑崙元圃漫悠哉

長樂縣志

卷之十五

藝文詩下

七

和章華程文若山居韻

田圭

竹樹森疎鳥亂鳴共居晨夕話平生倦行溪岸隨鷗
狎夢過園林畏蜨驚醉裏清言忘械穿花間密客響
楸枰只宜穩臥雲深處簾捲烟霞遠岫橫

玉簪

田九齡

爲憐素質溥清露却厭濃姿鬥曉霞霓曲歌殘瑤殿
月燕釵飛簇漢宮花銜妝色掩金瓶艷擁座光凌玉
臂斜况是真心原有托不隨桃李怨年華

海棠

何處花神不愛形幾從亭畔鬥娉婷美人睡起嬌無

力仙子狂來醉未醒雲捲紅妝霞作障風迴翠袖錦
爲屏君看自失凋材恨別是昌州一種馨

忠溪雜詠

田甘霖

漁人消息幾年迷養定何妨等棄泥彭澤心情歸五
柳蘓公醒醉問諸黎滔滔幸免儒冠誤得得還將穉
事稽學圃學農安所就欲將愚字換忠溪

其二

不愛奔競各奏能一溪流水在家僧草亭未許探奇
字宗旨還憑說上乘已任馬牛隨世喚寧藏面目免
人憎少年萬斛愁分半日逐村醪減數升

長樂縣志

卷之三

藝文詩下

吳

其三

翛然七尺自爲身頭上空存澆酒巾藤杖迎風詳鳥
語荷裳臨水玩魚鱗成行兒女悲衣傲研老詩書得
趣新斗酒能消家國恨

指明末
亂也

阮家猶自未全貧

其四

心閒何必事鉛華落井時看水底花鬼責已無天自
樂霜毛猶緩歲相加資身漫欲謀農事習靜全堪長
道芽不忍分陰隨意過服勞何處是王家

寄容羨田韶初宣慰并致家傳 嚴首昇

地連荆蜀稱才藪天接西南散綺霞歷代山河應賞

世千秋人事是名家却慚柳谷無金管適幸蘭臺有木瓜豈是幽都傳寫得容陽縮地到章華

寄容美田韶初宣慰

毛會建子霞 毘陵人

笑傲烟波一老儉誰知天外有詩盟當年節度父而子此日荆花弟與兄蓋代才華人磊落一家風格句縱橫從今欲鼓漁郎棹莫遣桃花隔世情

國朝

五峯贈別黃文川令尹

鶴峯州 知州 李林竹園 直隸人

三載勤勞本至誠惟將懋績佐

昇平庭空案牘無爭訟跡絕苞苴少送迎諄飭圭璋端士習留心霖雨為蒼生一朝解却五峯任拂拂輕風兩袖清

長樂縣志

卷之十五

藝文詩下

晁

羨君墨綬去翩翩花發河陽賦幾篇正氣非能隨俗轉剛腸總不受時憐謾言志士耽高臥不許勞人共息肩君會詳 免運帝念循良應再召五峯重晤卜何年

前題

邑典 史 黃茂蘭滋亭閩中 宦化庠生

同鄉同姓宦同方製錦新裁君獨強威惕奸回羣革面計蘓民困幾迴腸東山慰望勞籌畫瀨水偷閒待主張惆悵五峯雲樹杳那堪翹首盼南蒼

前題

縣丞 陳新銘潤蓉江蘇 長洲監生

三年政績感人多此日攀轅可若何滿擬書屏銀作管共看攬轡玉為珂冥鴻已翥重霄路駕馬猶馳九

級坡叨在鄭莊門下吏幾時載酒喜重過

花香琴韻滿江關遙聽謳吟巷陌聞白社漫圖文潞

國蒼生遙望謝東山衙齋清肅飛鳧靜案牘公平飼

鶴間休憶故園松菊好漁磯未許臥潺湲

幾月追陪愜素心鳳山龍洞共登臨久知善政堪爲

則更感良言永作箴書院夕陽披玉尺灣潭秋月撫

瑤琴從來世事成蕉鹿且把玻璃細細斟

視事五峯總爲民撫躬敢望沐

恩綸寒梅骨傲應同潔勁栢心堅自有真曲唱漁關愁送

別詩題石柱苦懷人他時

長樂縣志

卷之十五

藝文詩下

五

溫詔重徵辟又看

皇朝雨露新

前題

譚大序

營書

聞海文星照五峯共欣此地沐恩濃心存利濟師文

正績奏循良並魯恭爲恤民勞除轉運並憐兵困益

殮養東風雖去陽春在願得勲名達

九重

前題

田望如

邑侑生

三載勤勞德意深士民共仰福星臨巖疆化闢棠陰

覆蔀屋風傳黍谷吟已見豐碑刊政績更瞻錦障繡

軍心東山剩有蒼生望單父還期按素琴

前題

張功建 邑侑生

五峯幾載植羣倫瘠土勞吹黍谷春愛士不矜軒冕
貴憐才常拂薜蘿塵間揮白雪朱絃古靜寫黃庭彩
筆新試看攀轅遮道者由來風雅化中人

五峯山

邑宰 何永綏

芙蓉削就五峯雄斧鑿精奇見化工嶺畔有田皆負
郭溪邊無屋不懸空泉飛白雪千尋落路過青天一
線通對此頓忘身是吏偷閒檢點舊詩筒

草堂風雨

邑宰 劉煜

長樂縣志

卷之十五

藝文詩下

五

雨雨風風此退居琴聲詩話恰相於塵囂不到絃逾
響馳驟無端韻更舒一曲南薰周萬戶七年膏澤潤
窮廬草堂會有真圖詔絳雪平山取次書

西亭掬月

極目亭前月映谿載將碁酒過橋西虛堂懸鏡人堪
照合浦懷珠袖可攜光射秋枰盈國手魄浮玉盞印
雙題醉翁點綴滁州景不使滁人醉眼迷

短橋流水

收拾風光過短橋輕輕醉踏擬雲飄水流不息成今
日月度重經憶昨宵鴈齒纔容三五步鴨頭新潮去

來潮有魚不用曲鈎釣得方舟詩滿瓢

十里孤燈

草堂結構面南山山上孤燈相對間一點餘輝明十里半缸寒焰燭羣姦光芒永夜人應臥雞犬無聲戶不關誰識繫園繫心客更闌秉燭念民艱

桃浪觀魚

碧桃花下曲池幽蓄得金鱗任泳游鼓鬣偶驚蒲劍舞揚鬢不礙荇絲鈎頻翻錦浪乘三月快擲銀梭識衆流此水逼真成樂國海外有濠梁遣興共悠悠

稻香入座

長樂縣志

卷之十五

藝文詩下

五

茅屋深幽夏亦涼北窗風送稻花香一簾佳氣消棋局九里清芬襲墨牀合韻催將蟬噪急浮紅應得鴈來忙稔知稼穡真維寶凭几欣然欲薦薌

范成大詩註香子稻一名九里香庾肩吾歌漁水鳴蟬香聞七里瓊山合韻祖歸于又南方有蟬鳴稻七月熟又稻有鴈來紅

方舟紅葉

方舟形製抵公餘草堂三面皆有迴廊窗櫺

霜染丹楓葉滿林方舟坐對好鳴琴擬將法網開三面聊結蘅茅養一心人道河陽花作縣我欣南國樹成陰沙棠直並甘棠穩砥柱中流萬丈深

帽山晴雪

名園恰對五峯高雪後新晴勢益豪
麗帽臨風披鶴氅浣紗晞日著秦陶
秦遺羽衣琉璃屏倚茅簷設瑋瑁簪
從樹杪挑曉起凭欄看不厭年來豐稔沐瓊膏

五峯初冬

孟登先

秋去冬來歲月忙依然萬里滯蠻鄉
楊朱枉自悲歧路李白誰教到夜郎
怪事頻書空咄咄宦途獨嘆海茫茫
若非識得詩書味此境真難一日嘗

長茅司河觀土司廢署

喬守中

控制蠻荒地勢偏衙基層疊半成田
雄關已逐斜陽滅傑構何如古石堅
樹外人喧山有市門前溪匯水

長樂縣志

卷之十五

藝文詩下

三

成川不需更讀容陽錄指點遺踪已慨然

初入漁洋關

李煥春

夷道行來萬疊山漁洋自古有雄關
一塵人戶青雲裏兩岸田疇綠水灣
舊屬睦州遺漢俗今歸樂邑格苗蠻
五峯城郭知何處遙指蒼崖夕照間

秋日偕戚宋潤之遊員通寺

案牘塵清幾日閒乘涼相約一登山
南坡覓逕梯雲路古寺尋碑剔蘚斑
一水漲痕秋雨後萬峯嵐氣夕陽間
土司舊蹟如增美寺為張土司建春嘗為引勸捐增修之佳境重

來共解顏

秋日自石梁司上楊花巖晚宿山家

石梁西上路崎嶇細數征程數問途五道溪間秋水
活萬重嶺上晚雲鋪楊花巖碧驚千仞木葉林黃望
幾株日落商飈吹袂冷山家止宿夢魂孤

將之任蒲圻留別學博胡王 敬

半城溪水半城山儘日荒衙共往還愧我風塵成俗
吏羨君衣鉢度仙班心交不託形骸裏癖好都歸簡
冊間相見太遲相別早五峯回首翠烟環

宿五峯城隍廟 縣丞夏守立 卓亭

禪局幽沓白雲封一榻還堪寄客踪數遍來時兼去

長樂縣志 卷之十五 藝文譜下 詩

日聽殘暮鼓與晨鐘家雖路遠常通夢人爲愁多便
減容唱徹陽關鞭影動離情和酒上眉峯

改官楚北留別都門之二 邑宰蔡聘珍 棣川浙江舉人

天顏咫尺覲雲端

特占調籤改楚官 原選四川德陽縣引見 率土原無分

盼域臨民且莫帶寒酸半年甫別長安易匹馬何愁
蜀道難見說武昌魚味美不須彈鋏勉加餐

舊雨城南數盍簪瑤臺禪院記登臨黃花晚節同人

志烏帽唵懷客子心 姚餘菴 塞鴈連雲傳錦字 諸鄉

同年世好各以 楚江流水和焦琴明當重理鞭絲去 詩冊聯箋贈行

莫澣征衫帶酒襟

重過紅巖腦

潘炳勳

重上高巖石逕斜依然遍地長丹砂空山再見迎朝
日絕壁猶疑帶晚霞到頂幾番看綠樹驚心此際聽
烏鴉肩輿又別千層磴一帶青煙舊主家

漁關晚唱

訓導 張天培

萬山斷處好維舟中有漁兒唱莫愁短笛橫吹青嶂
月新歌輕徹白蘋洲烟波樂事歸雙棹燈火人家傍
市樓自笑頻年來往熟閒情直欲付沙鷗

前題

王正懋

長樂縣志

卷之十五

藝文類

五

關望漁洋鎖暮烟漢溪有客恰停船灘頭日落三篙
水峽口雲開一線天短笛橫吹喧古嶺新歌低唱徹
晴川數聲欸乃驚山市知是桃源洞裏仙

前題

王朝棠

一天晚景燦漁關高士狂吟意自閒調起船艙驚彼
岸腔諧笛韻度前山黃昏響遏雲千片清雅聲喧水
一灣古隘漸看新月上霓裳曲喜和仙班

書院夕照

張天培

沉沉日馭已西斜迤邐峯崑翠轉加返景偏侵清澗
水亂山未散赤城霞人從陌上驅歸犢樹隱簷前集

暮鴉更有畫圖圖不到書聲乍歇又鳴蛙

前題

奈國棟 邑庠生

巍峩藝院登城東面對西山返景烘暮嶺色分屏障
際夕陽彩入畫圖中風移樹影橫窻翠天放霞光射
閣紅一片書聲高朗處漸看松嶺月當空

前題

奈國瀛 仙洲
邑廩生

萬疊雲峯掛夕陽迴光返照讀書堂漸看暮景開山
市徐聽吟聲出院廊郭外霞蒸天一角樓邊風動樹
千章此時一上文星閣拂袖堪攜月桂香

灣潭秋月

張天培

長樂縣志

卷之五

藝文詩下

五

澄潭渺渺月橫天妙相虛明悟在淵蚌蛤潛窺冰鏡
滿驪龍靜抱夜珠眠千家竹樹深陰裏萬里星河倒
影邊秋氣蕭森風瑟瑟伊人閒倚兔華圓

前題

關福

寒潭紆曲比銀河月到秋來漾素波一鏡懸空飛白
兔羣峯倒影擁青螺溶溶夜色澄如洗朗朗秋光靜
似磨寄語魚龍休睡去霓裳聽唱和嫦娥

前題

奈國茂 松坡
邑庠生

灣潭潭水白漫漫滿映高秋月一丸碧浪侵空容兔
走清光澈底射龍蟠官衙解舍涵波淨山市樓臺照

影寒值此深宵欣玩賞開尊閒醉吸水園

瑞應泉

喬守中

蘭寢金龍入夢來南山一夜起風雷生成英物天靈
降湧出清泉地脈催瑞應將軍傳世澤祥開安撫濟
川材至今流水空嗚咽父老猶傳劫後灰

前題

朱麟文 菊人 山西人

劫餘靈蹟漸沉淪賢宰襟期會有神風雨名山尋脉
遠烟雲古洞錫名新天開佳瑞生先哲我鑒清泉弔
古人從此臨流增感慕五峯高處仰忠淳

前題

張希仲 邑武生

長樂縣志

卷之十五

藝文詩下

五

靈脈淵涵數百年風雷一夕送雲泉派延安撫源流
遠瑞兆將軍弧矢懸事業於今猶可記山川如故有
誰憐闡幽幸值廉明宰常使五峯勝蹟傳

前題

張世繩 邑童

留蔭堂中兆瑞來人天感應起風雷將軍偉畧流應
遠安撫先聲響若催捫碣幸傳前代蹟臨流愧乏泉
賢材翠珉掩映清泉裏彪炳功勳永不灰
龍洞訛傳數百年是誰歌咏表靈泉探源本為將軍
出稽古爭推令尹賢千載英風碑上著五峯明月水
中圓幾人到此尋瑞氣氤氳見我先

城河春漲

張天培

流急儼同竹箭奔春城雨過水泉渾石梁高聳斜通
市溪漲頻添直到門郭外桃花三月浪河邊柳色幾
家村

恩波久已昭靈化來向橋頭測舊痕

南坡烟雨

蠻烟瘴雨勢偏濃極望空懷遠岫重霧罩遠天山盡
失雲埋斷壑勢全封滂沱漸響村邊溜黯淡難描畫
裏容竟日官齋相對處笠簑來往是三農

石梁橋逕

長樂縣志

卷之五

藝文詩下

五

石梁西上半村墟谷口行來入逕徐流水板橋春市
酒杏花茅店野人居辛勤祇合僧田叟問答還應伴
老漁指點人家又暮爨夕陽影裏晚煙疎

菩提霽雪

畢位高

敬庵
邑廩生

寒光數里淨菩提萬仞峯頭望眼迷琪樹有花飛彼
岸瑤臺無處覓凡蹊清風乍起千山冷旭日微烘百
鳥噉一片虛明空色相禪心對此益淒淒

挖蕨

田嶧南

挖得靈根即太倉山村研粉各家忙鋤翻霧縠滋春
雨杵搗花溪趁夕陽胼手渾忘連日瘁關心猶憶去

年荒等閒飽領清香味不羨人間有稻梁

過田琴陽望鶴樓題壁

羅典傳宜都廩生

望鶴樓外山如畫望鶴樓中客是仙半壁風聲侵雪
案千山雲氣接松烟令威棲處塵緣隔子習歸來俗
慮捐六出花飛高士臥夢中應見羽翩翩

五峯山

丁志一漢川邑廩生

望嶽歸來著眼難五峯又見聳雲端霞光勻簇紅羅
幔日色高擎頰玉盤拔地螺鬟城外見摩天翠黛市
中看有時揮就生花筆采染成文快大觀

山城秋眺

長樂縣志

卷之十五

藝文詩下

五九

山上石城城外山乘涼遠眺喜開顏晴雲白罩峯千
仞秋葉黃侵水一灣沿岸人家看落落凌空鴈陣語
關關徘徊不盡登臨興醉泛禽華意自閒

天生橋

李煥春

山逕停鞭信步行橋頭駐目訝天生樹蟠石上勻分
綠水落溪心細漾清野寺尋幽乘翠磴村家沽酒望
銅鉦流連奇境思題柱夕照深林馬莫鳴

前題

駱世香

百丈深溝漾碧空仙橋高架路相通石蟠古樹陰相
合巖漏明星彩自融一逕坦平容立馬兩山聳峙落

飛虹如斯境擅天然勝豈借人間斧鑿工

坐虎池

山半員開一曲池石如虎踞勢雄奇幾迎明月躡無
倦似愛清泉飲故遲洞裏黃龍應共嘯莊前白鹿未
同馳何時渡水乘風去萬里旋看破浪宜

將軍洞

將軍休息憶當年古洞嘉名自此傳樓閣東西宜兀
坐鼓鐘上下任高懸五峯境勝無雙地六月涼生別
一天為問洞中銀井畔幾曾飲馬向流泉

致仕歸里

蘓珍舉 整峯
世襲

長樂縣志

卷之五

藝文詩下

六

再世沾

恩謝

聖朝從軍志柰者番消丁年血點先人鎧甲帳聲收舊日
刁桂檝好教飛畫鷁柳營無復射寒鷗太平世界容
儂老歸去五峯看採樵

和尚石

楊福煌

何年托鉢近漣漪為向中流問律師雲白披來成衲
襖波清照去見鬚眉塵根已被洪濤洗佛種應教淺
水滋千丈龍潭沉夜月禪心惟有米顛知

東田一山外翰四之一

李素

比戶絃歌禮教隆，獨嗟邑乘竟空空。百年事迹多遺實，一代文章貴酌中。吳札觀光來上國，鄭僑潤色仰宗工。雪泥也願留鴻爪，漫冀他時志寓公。

奉酬李少白原韻

田泰斗

弱冠終軍物望隆，翩翩健翮早凌空。三生慧業鍾前世，一曲陽春壓郢中。為我山川增氣色，憑君筆墨補天工。鳳毛幾片留池上也，並甘棠戀召公。

白鹿莊

訓導 潘炳勳 霽堂 見前

昔年白鹿跡茫茫，此地空留白鹿莊。料得蒐田前度逐，知隨蕉夢昨宵忘。野中果裕萃苓食，林外疑歸町

長樂縣志

卷之十五

藝文詩下

卒

腫場是否啣啣鳴處近，應將雅韻叶笙簧。

秋日過百年關

聖化多年遍百蠻，雄封猶紀百年關。昔時鴻界分夷夏，近日星軺任往還。一帶金城黃葉裏，千層石磴白雲間。無須頻擊重門柝，祇好題詩壽碧山。

夏日從長茅司便道金山坪寓大灣夜寂偶成

覃長新

曉谷 邑監生

平生山水結良緣，更歷蠶叢夏景鮮。潭面風薰千頃浪，嶺頭日熾萬層烟。漁郎影落清流裏，牧子聲喧碧草邊。駐馬村中聊借宿，夜深把扇聳吟肩。

壺瓶山

楊東榮春軒 邑廩生

空山聳峙肖壺瓶登眺隨時見異形松雪凍凝三月
白溪冰寒解一峯青探花自許分紅艷沾酒何堪載
醪醕繪就新圖攜去好臥遊清夢月前醒

腰帶巖新秋大雪合圍

鄧永蘭邑庠生

嘉慶二年八月二十六日大雪時威勇侯額勒登
保統攝大軍圍林之華等賊於腰帶巖旋即破之
天使將軍靖寇爭彤雲密布護山城六花瓣瓣秋初
出萬馬駸駸雪上行掣電轟雷寒賊胆擁發挾纒奮
軍情蔡州功績知堪建早趁西風奏太平

長樂縣志

卷之十五

藝文詩下

空

喜玉山李邑侯卸佷山篆回任五峯用留別佷山土民原韻

陳永祥鍾山邑職員

文吏才華信有餘琴堂化日自長舒兩旬善政傳巖
邑一代文名震石渠花滿佷山含舊澤風清樂土著
新書兩沾時雨欣無極願賦甘棠拜玉除

前題

陳遇文渭川邑庠生

一自攀轅恨別餘喜吟佳句錦雲舒馨傳翠壁風雙
袖光在清江月一渠六里於今歌舊澤五峯從此著
新書時將輯縣志惟儂兩地沾時雨飽德還欣冰淨除

陰陽二洞

陳仁齡

陰陽妙蘊奠乾坤仙界分來洞府存共見玲瓏開石
竅都憑造化鑿雲根氤氳二氣無消息闔闢千秋別
戶門我到名山尋勝蹟收來天地一芳樽

遇子河

遇合全憑造化工南河見子樂融融幾年別恨隨流
水兩岸歡情趁晚風魚聚藻間春漲碧鶴歸松際夕
陽紅相逢喜得新堂構從此藤蘿逕愈通

七姊妹山

劉振華

楠洲
邑庠生

指點七峯擁翠鬟居然姊妹降前山桃花屬解盈盈
笑柳葉眉舒一一彎月夕雲開同照鏡風朝泉響和

長樂縣志

卷之十五

藝文志下

三

鳴環登高手挾天章處繪盡芳容圖畫間

雌雄石

人立同開太古顏雌雄轟轟峙前山陰陽晴雨勻分
處牛女東西相望間嫩綠光應連樹色深青髮共結
苔斑巖頭宜化雙黃鶴對舞蒼烟碧水灣

白鹿洞

沈尚藻

香山
邑庠生

洞前白鹿逐何年鹿去空存古洞天町疃場荒餘石
室笙簧韻逸叶山泉誰迎明月書聲出我倚白雲夢
境牽想到嘉賓良宴會蒿芎綠處叩琴絃

燭寨

羣峯萬壑繞週遭
屹立中開燭塞高
四面山花紅結彩
一番烟雨碧流膏
光生石室分天色
影照巖溪湧雪濤
古寺禪燈今已杳
空留明月照詩豪

松嶺濤聲

余國瀨

翠嶺孤高獨峙東
松濤萬斛響玲瓏
山林度韻節秋月
城市流音度晚風
爲聽龍吟登古岫
幾驚鶴舞舞晴空
讀書院外閒傾聽
洗滌詩腸鼓吹工

麒麟觀

朱冠禮 邑庠生

何年仁獸此間遊
古觀名傳最上頭
金碧自看輝畫閣
玉書應許吐層樓
靈鍾勝地崖千丈
瑞啟名山月

一釣會看文明開
景運乘時把筆一
遨遊

南河

朱冠羣 邑庠生

東流萬派溯源長
河向南流獨異常
清水一灣奔古渡
碧崖兩岸截炎荒
波心微縹薰風爽
浦口遙看春草芳
此地尋津桃浪疊
天門直欲接蒼茫

山城秋眺

余國茂

霽色澄清啟素秋
高瞻獨倚古城樓
炊烟傍岸蒸溪口
夕照銜霞掛嶺頭
萬木丹黃頻入眼
五峯蒼翠恰迎眸
仲宣有興舒清詠
閒和飛鴻雅韻流

重至樂邑漁洋關晤賴鏡河

榮光 西山 榮先甫

蒼汝霖話舊有作

譚大勳力臣長陽選貢

二十年前絳帳賓三千里外倦遊身名山遍閱歸仍

客舊地重來夢亦真親故凋零紛涕淚田園寥落悔

風塵飛鴻爪跡漁關在誰是黃公釭畔人

賴毓靈靜菴兩姻丈楊暉菴同年郭初齋明經
居停張出菴俱作古數年

花開荆樹耀林泉燈燭高張月正圓杜老別離如昨

日向平婚嫁已中年五陵裘馬燕臺夢兩度鶯花江

上船歲歲萍飄仍聚首碧雲無限夕陽天

鏡河客京八載西山雨蒼雨
客姑蘇余亦自嶺南初回

留滯漁洋關九日門人張仁山招飲即同賴雨

長樂縣志 卷之五

藝文詩下

五

蒼舍弟慎夫登關帝樓

危樓高聳極崔嵬與客登臨望眼開百里封疆三縣

合長樂長陽宜都俱以
關之馬料坡為界一關秋色五峯來兵戈滿地

仍佳節風雨何年起異才羽檄紛紛南北路不堪憑

眺酒盈杯時湖南湖北賊氛蠟起所調衛昌營兵
於初八日由關東下以關之守戎領之

遊石梁司順謁明經王一丈學館

陳萬猷虛齋
邑拔貢

輕風一路蕩塵埃古寺雲封絳帳開牯臥城高山蘊

藉龍潛潭遠水灤泗送青閨外縈書帶分綠窗前洗

硯臺不特東家雞黍具比隣看客共擎杯

圓通古刹謁淨修大士

山堂開敞建禪林說法宜舒一片心
雨後天花應墜艷風前唄葉自成林
五峯掌豎排纖指千丈巖懸展畫屏
欲學長生惟此處不須滿地布黃金

香溪送別

駐馬東郊送客歸香溪折柳掛征衣
醉分薄袖迎朝旭緩策輕蹄趁夕暉
洞口雲深堪信宿漁關水淺莫依違
要知出峽無多日海濶天空任鳥飛

鳳尾坡

陳士元 邑貢生

登山折屐且留停最愛坡成鳳尾形
花惹天光蒸爛

長樂縣志

卷之十五

藝文詩下

六六

熯篁喧地籟響瓏玲雲開五色宜
呈瑞日映重岡亦效靈境到岐陽如此勝
新詩寫入柳君庭

山城卽景

陳瑞麟 雲峯邑庠生

雲山四面與天齊壓倒星辰盡覺低
城堞兩開環翠黛人家分住隔清溪
梵宮向曉鐘初動花院藏春鳥亂啼
指點晴嵐無限好關門東畔石橋西

登文星閣晚眺

鄭光裕

城下高山山上樓登梯晚眺豁雙眸
萬峯夜氣凌霄漢七曲文星耀斗牛
八坐松風涼謖謖臨衢河水韻悠悠
一輪明月堪攜處夜色光明望裏收

登五峯

鄭武榜 題齋

五峯聳峙毓英華此日登臨境最嘉日出朝披
露風生曉挹楚天霞入望渾同仙掌指凌空競
身花新詩載滿囊中綵高古村間覓酒家

前題

鄭光藻

步出城西路漸高五峯險絕上云勞凌雲足有雙珠
履近日身真一羽毛如指摩天描翠黛撩眸環水捲
洪濤歸來城市天光暮采筆題詩興自豪

祝劉明府 煜三句

曹之新

牛刀小試幾經年醴化瑤章到處傳天祿然藜綿世

長樂縣志

卷之十五

藝文詩下

七

業山陽剖竹異常員滿城桃李親身植載道碑銘眾
口鐫壽 國壽民真壽世一尊春酒樂陶然

其二

福星煥彩自年年抱得丹忱秘不傳競說郎官符列
宿由來廉吏屬能員滿輪明鏡虛堂掛一片冰心靜
夜鐫玉署風清爭晉爵不須雪藕也恬然

其三

撫字勤勞歷五年循聲惠績不勝傳決除狂獄清囹
圜痛掃奸偷靖幅員粟發棠翁千指活雨祈龍洞寸
心鐫蘭陽德政今重振一脉通神豈偶然

其四

心事殷殷趁壯年一經舊德衍家傳
還將白水先生學兼勗青衿弟子員
姓氏相看

御屏錄循良端合

璽書鐫懸知

丹詔重重下鳧舄雙飛思渺然

其五

清詞麗句紀生年仙吏丰標最足傳
暖律三吹蕙萬竅陽春一曲壓千員
鯉庭久被餘暉照鶴署紛看錦字鐫
愧我秋風多旣耗續貂稱兕兩茫然

長樂縣志

卷之十五

藝文詩下

亥

贈別鄒楚瀟

楊嘉壽

萬仞蠶叢路一條多君相訪過花橋
偶然栗里初停轡難得奚囊更載簫
奇士昔言知己少征衣不教壯懷消
飲醇此日逢公瑾也許挑燈破寂寥

其二

綠髮青衫賦壯遊不輸阮籍古名流
看山有得詩才峻遇景多情酒與醅
塵路何心羈匹馬狂懷此地狎輕鷗
問君來訪山陰日春入鄉關第幾樓

其三

蓬華門前萬疊山收羅蒼翠為君關
清茶淡話朋能

得濁酒狂歌慮儘刪昔向子雲頻問字偶扳周黨已
開顏無端贈別思賢宰不使輕拋玉筍班邑侯孟秋
兩贈君詩
自功名大半歸新進事業無
多讓古人之句著望之也

其四

聞道荆花盡毓英四枝瑤樹早齊榮才名太大蛟龍
忌伯仲俱以水
災豪遊四方友誼獨深鶴鷺盟浪跡誰憐生計拙
沈交應重故人情家園此去勞儂憶剛好椒盤聽頌
聲

五峰書院即景

龍兆霖

高閣崢嶸倚石根盈眸爽氣逼晨昏天開圖書雲三

長樂縣志

卷之十五

藝文詩下

堯

回地聳城隅月一痕窗外濤聲松蔭砌庭前雅韻竹
敲門牙籤法帖資清賞更喜淵源有道存

勸農

龍兆霖

山城貧况瘠如何菽粟桑麻利不多樂歲有秋勤力
穡使君無政拙催科喜占澤滿三農望慚聽禱與五
袴歌負耒圓觀官勸稼一年生計敢蹉跎

重九偕李素香茂才登高

龍兆霖

聯袂欣齊玉筍班登高遍覽路縈彎松含秋籟千峰
靜雲鎖山城一帶環繞樹飛鴉驚客到出林樵子笑
人閑興酣便把茱萸插走馬西風壓帽還

重陽後二日宿鶴峰道中

龍兆霖

匆匆捧檄上征鞍到此方知行路難怪石孤撐翻眼
底層巒倒出壓眉端清霜滿地人蹤少涼月中天客
夢闌纔向刀鎗河下過望鄉臺上夜深寒

刀鎗河望鄉臺兩地名

長至日朝賀回署喜雪

龍兆霖

朝罷歸來喜氣融錦袍新惹御爐烘一陽吹管逢

冬至六出飛花兆歲豐化日初長春酒綠畫堂分韻

錦箋紅朔風吹霰晴空舞民物咸沾造化功

補葺工竣偶誌

龍兆霖

未雨綢繆試一賡才慚百里費經營鳩工不忍勞民

長樂縣志

卷之十五

藝文詩下

七

力鴻跡難留作吏名廟宇重開新氣象城樓差喜勢
崢嶸地多缺隙尤需補尚待賢侯善步程

公餘讀史

龍兆霖

琳瑯萬軸未消磨今古興亡眼底過百代文章都領
畧千秋事業儘搜羅拋殘歲月知音在看到新奇拍
案多一覽裝成五經笥便便休笑腹空皤

冬日感懷

龍兆霖

虛拋歲月等蜉蝣萬感茫茫悔不休儘使成名甘豎
子誰教擣板謁公侯通盤已失爭先著一錯焉能鑄
六州回首鄂城山雪外好將心事付江流

輓賴鸞章文翔茂才

並序

劉應垣

鸞章鏡河先生季子也與先伯仲皆邑知名士性至孝母病中風醫數月罔效疾益篤計無復之夜禱天割股和藥進母立愈私喜有效閱半月創重竟死有謂孝近愚者嗚乎豈真愚哉詩以誌之
至性從來兒若愚精誠固結又疑迂但拚藥餌血調劑要使萱幃病立蘇此際一心惟有母後時畢命豈關膚蒼蒼默鑒斯人苦補志續成表孝儒

輓賴鸞章文翔茂才 戊辰春暮 王清暉

鸞章兄鏡河先生季子邑庠生事母至孝戊辰春母

長樂縣志

卷之十五

藝文詩下

七十一

病中風醫數月無效病漸篤鸞章計無出夜禱天割股和藥進母病立愈私喜有效閱半月鸞章竟以傷重死鸞章孝近愚而其心有足悲者因為詩以誌之

文星一夜墜長庚海內驚傳孝子名股胛慈幃兒奉

母歡承泉下弟隨兄 鏡河先生卒前兄星槎仲兄然生相繼辭世 滿腔熱

血歸長槩十載孤燈對短檠 鸞章斷絃十年餘矣 留得淒涼遺

稿在招魂愁聽杜鵑聲

輓亡友賴鸞章七律二首 戊辰三月十二日有原 李探林

鸞章余之同門友也為鏡河先生四子年三十四

歲少有至性極孝友窮年讀書足不出里巷即鄰
右亦罕識其面者入邑庠後與余交彌厚知益真
子曰以貌取人失之子羽余於鸞章亦有三歎焉
戊辰春其母病鸞章躬侍湯藥衣不解帶者三月
閱方不效鸞章乃私自持刀割股以進母疾竟瘳
而鸞章股傷太重愈自掩藏以是沉痾僅七日不
食而死嗚乎割股之說古人曾有議之者鸞章以
明理學者豈獨嘗試其危而要之純孝天成蓋惟
知有親不知有身事雖不可常訓其行終不可沒
也死之夕與余泣下數言若有不忍長別者然余

長樂縣志

卷之十五

藝文詩下

七十三

既難舍夫鸞章而尤與鸞章之昆弟相善也不禁
潛焉出涕因踵 王清暉先生之後特作詩以輓
云

啼血聲聲聽杜鵑采蘭花謝暮春天誰知飲恨成千
古直帶剗痕到九泉續命有湯痊老病回生無草得
醫緣斯情欲問蒼蒼者不假人間孝子年

其二

功名妻子久心灰割股三更進母纜血濺舞衣新跡
在音餘拔劍舊歌哀求生不得賢昆友到死無慙老
秀才嗟我爲君長弔處補亡詩內咏南咳

志賴茂才文翔

龍兆霖

孝儒愚性本天真創重如何耐淡旬割股已甘拚母
命和丸難苦救兒身肯教灰死心俱死要使衣新血
亦新續補編成垂軼事抗懷長慕采蘭人

贈龍良山明府

劉應垣

宰官清慎本超倫愛切痾瘵害切身吏治百年多懇
懇民情一旦重親親蠶煙日洗成溫潤文教風行煥
炳燐試望五峰舊山色無邊草木亦更新

頌邑侯龍明府

李探林 素香

布陰誰不愛甘棠况久躬薰一瓣香門本是龍公納

長樂縣志

卷之十五

藝文詩下

七十三

士河慚有鯉我登堂宦情似水秋俱淡吏治多才斗
未量豈但訟庭觀淑問欲彈琴譜化巖疆

其二

養花天氣半陰晴桃李春官屬有名雅教久需多士
澤謳歌已遍五峰城風流葉令雙鳧化月照稽山獨
鶴清戎馬更餘吳下本金陵懷古敢輕評

公著有戎馬書生詩草

其三

一肩琴鶴抵公車仙吏行裝竟淡如庇士寒能開廣
厦居官味可嚼春蔬庭看捕雀花常落鼓聽鳴蛙草
不除余亦孟嘗叅食客五經名下愧無虛

其四

感恩知己兩兼難
夏屋渠渠忝素餐
忘分雲泥風誼古
照人冰鑒月光寒
傳碑有口磨成石
撫字勞心苦是官
日祝遷喬飛鳥去
山禽隨托一枝安

癸酉冬莅官長樂
牘簡紛如幾無暇
暑春來始少就緒
稍閒獨酌信筆成
此

鄭敦祐 壽丞

捧檄巖疆愧發硎
五峯如爲宰官青
積塵案牘銷銀燭
飲水心期託玉瓶
性拙勉將勤補過
才疏敢道事勞形
武城絃誦知何日
能否新聲萬戶聽

七弟右吾遠來喜賦

鄭敦祐 壽丞

長樂縣志

卷之五

藝文詩下

七

雁行最幼惟推汝
苦憶鄉園聚處天
共醉有時呼酒友
狂吟徑欲效詩仙
七年不盡萍踪感
千里徒憑竹報傳
久別幸逢今夜月
清光應爲弟兄圓

七言排律

松山懷文鐵庵相國

時公因忤秦孫幾為所害
旋以計脫乃由黔入蜀也

田甘霖

中心怫鬱倚新亭拂淚含情不易惺
裹足願同天下士仰頭時望極
旁星奮椎還欲摧秦燄垂翅何堪渡
楚汀相送鷗波隨上下思騎鶴背轉
飄零籠鍾裴相臨三鎮直率溫公已
六齡我眼年枯如夸父時時但願日
輪停

長樂縣志

卷之十五

藝文詩下

七十五

題五峯別緒序後

趙元慧

曉園甲辰科舉

人四川除遇縣知縣清溪人

循聲舊仰穎川黃又聽口碑載道揚
免役直陳胷有策鋤奸淨絕筆生銜
翠珉頌德摩情協錦障書勲眾羨彰
歸馬雲輕唯鶴伴征衣風暖有花香
故園重醉謫仙月舊治常歌召伯棠
回首楚山閩嶺外無端更作五峯望

美人洞

李煥春

美人何處踏珠塵此地猶思彼美人
剩有山光開面目流來水色憶丰神
峯頭似挽烟鬟巧洞口惟存石

骨嶙紅入桃花迎笑靨青歸楊柳認眉顰雲生好想
衣裳麗風過還疑步履真苔上弓鞋空繡印草間錦
褥賸文茵天教素女歸銀漢月許嫦娥隱畫輪酒肆
歌童皆不見天臺仙子莫相親幾驚瓊佩淡聲台屢
顧芳顏樹色新盼到巫山徒結夢愛茲石室可藏春
雪膚誰畫有遺體香魄如還現後身寂寞玉容巖穴
畔會移金屋託芳鄰

前題次原韻謹和

田泰斗

藐姑何日現紅塵洞口曾教見美人桃墅疑逢花下
女蒲溪擬晤洛中神眉間黛染林容活足底蓮生石

長樂縣志

卷之十五

藝文詩下

七六

瓣嶙天際霞舒如帶笑雨過翠巖似含顰游雲態變
行踪幻流水聲清咳唾真薜荔四圍開錦帳芳苔滿
地展文茵釵看岸角松干樹鏡借峯頭月一輪香草
惟餘蘭蕙在靈巖尙憶佩環親迷離樹影衣痕綠指
點蘇斑履印新巫峽臺空魂入夢羅浮酒醒鳥歌春
相思長結榛苓想轉瞬難尋冰玉身應向廣寒宮裏
去嫦娥引作九霄鄰



長樂縣志卷之十五

藝文志下卷

詩集下

七言古風

明

封侯篇

田需霖

紛紛晉宋聯齊魯薄視天王猶餓虎遂闢從來篡竊
端豈因暴戾長跋扈後來不敢存空名口道正經太

長樂縣志

卷之十五

藝文詩下

一

板古繫重於臂穿綠林尚誇此舉真神武忘君結讐
等弑親空桑不獨生蠮螭破碎山河赦不論販得爵
位誠奇賈一劇二劇三四劇板腔不必尋規矩尤將
傀儡奉衣冠誰家子弟送鷓舞灼耀愚庸盡改觀奔
趨獸穴圖尺組嗚呼鬼神何弄人變盡將來與往古
山中儒生苦難時放眼欲歌揮淚雨

嚴平子評綱目託始於韓趙魏之封知周綱之
盡弛矣明末動以王侯封彼綠林餘孽尤為不

堪

留別伯珩兄和其韻

田圭



雙溪橋下社衛香雙溪橋上客斷腸馬首分向各西
東欲行不行春恨長我歸洞口桃花笑武陵烟水人
罕到君守故園事桑麻各各不同當年少何日一杖
效仙翁颯然騎來駐八峯醉後澹然相對看猶如此
際席上容

龍洞

孟登先

出北郭門行逶迤深溪一道最清泚人如魚貫自成
行路似羊腸不容趾九折三休始及巔忽聞雷吼空
山裏虛洞隆隆在目前漸入漸寬心頓喜然炬導引
入爆竹驚山鬼廣可逾廿丈深豈止百里水壺六月

長樂縣志

卷之十五

藝文部下

又一

涼風生毛髮增寒塵渣洗兩邊石棧高於崖一潭清
水深無底以石擊之聲長鳴神龍見首不見尾下湧
顆顆之泉珠上垂霏霏之石髓千年萬載憑空結構
成奇形怪狀難比擬或如樹生枝或如花含蕊或如
龜蛇形或如鳥獸體五丁六甲不能施其功丹青圖
畫不能寫其美瓊瓏虛牝直從混沌開造化之奇奇
至此昔有漁人來問津行經晝夜難得窮原委武陵
桃花源裏有人家仙境依稀毋乃是我披邑乘所載
洞名三十六於斯真嘆觀止矣吁嗟乎古今勝地借
人傳俗士無知聽以耳此洞若教位置通都大邑間

名早彰彰播遠邇可憐埋沒蠻烟瘴雨中亦如貧士
不出里巷人莫知姓氏謫仙已往坡仙已死那得生
花之筆歷歷詳計其終始乃知天地生物有幸有不
幸顯晦窮通亦偶爾嘻嘻洞固無權而龍有知胡爲
臥此久不起會逢天上好風雷急須飛騰上九霄永
爲蒼生作霖雨

獨在峯歌

梅洪熹

甘泉
邑職員

萬山叢裏聳孤峯轟轟千尋氣勢雄奇形怪狀懸空
際似教人學米南宮不作砥柱向中流亭亭獨立谷
深幽喬木自有歲寒節含英吐華耀人眸石室夏涼

長樂縣志

卷之十五

藝文詩下

二

冬溫燠聞說頭陀曾住宿講經說偈忘晨昏圓寂涅
槃誰奠祝我愛石峯對華堂賞心悅目樂洋洋四山
環拱兒孫樣此峯中立送嵐光花香鳥語來安宅佳
境何分今與昔石峯獨在足千秋老夫樂與共晨夕

獨在峯和梅甘泉原韻

湯瓊苑

松滋人

萬仞嶙峋聳獨峯眾山誰比此豪雄一柱擎天霄漢
近園苑誰開七寶宮下有甘泉萬古流中如黍谷境
深幽洞與桃源天地大雨開石室悅雙眸四時花草
無寒燠白雲繚繞仙人宿老翁卜屠向奇峯岡阜宜
來三多祝翠嵐常送讀書堂山巍巍兮水洋洋健筆

凌雲舒嘯咏山林泉石亦生光
禪關舊闢雲爲宅老僧化去已成昔
今日高人發長吟名山常與同朝夕

署中中秋共酌歌

孟登先

中秋夕招趙嵩坡廣文王朗村少尹茹雨亭
少府顧浩川幕友李鑿山李嗣徽劉玉美三
秀才飲酒醉後率成長句

去秋安知有今夕爛醉如泥忘主客坐中老友四五
人一朝星散分南北冬月移官來五峯同寅協恭喜
和衷乘茲佳節良宴會少長咸集情交融賓主八人
八鄉縣鄉音不同如其面通宵待月欲飛歌無月舉

觴興不倦嵩坡廣文年八十巨觥飛處長鯨吸雨亭
飲酒同美人一杯入腹紅雙頰風流獨羨王朗村清
辭麗句迴軼倫豪飲不負將軍腹拍手大笑面生春
偏是劉伶怕飲酒酒到眼前亂搖手顧公在坐大矜
持點點滴滴微沾口二李翩翩正少年英氣勃勃凌
雲烟高興何辭浮大白家風真不愧青蓮我本放蕩
不羈者酒興豈屑居人下故態未改狂奴狂性情仍
是野人野終朝官舍苦頭埋滿案文書倦眼開如斯
良夜不暢飲徒令風月笑吾儕酒酣我向青天問月
被雲遮月應闕安得風掃浮雲開嫦娥舉酒來相勸

君不見晉代竹林有七賢一醉往往終日眠又不見
少陵詩中歌八仙各得醉趣難口傳我發狂言君勿
怪明年此夕知誰在時乎時乎不再來今宵有酒胡
不醉

陪小霞楊邑侯游龍洞

宜昌府學貢生

陳兆元

春山邑人

神龍變化杳難測或藏深山或大澤長江巨海龍作
宮懸崖深洞龍爲宅五峯縣治萬山中挿空鳥道接
蠶叢兩面峭壁均如削中有一溪滾滾通城北一溪
方七里陡然漲添半溪水激浪出洞龍吐涎寒氣襲
人石流髓山腰忽闢雙石門內曠堪容千人屯嶙嶙

長樂縣志

卷之五

藝文詩下

四

石崖多奇狀鳳鸞飛與虎豹蹲左懸石塔可登未旁
列石牀並石匱右聳階級似層樓縹透玲瓏耀紫翠
後闢員門通幽徑黑窅窅地泥洹洹無人敢復問前
途沉潭溯渤已駭聽夫子素有謝公風探幽躡險發
逸興履滑忽被蒼苔欺跌倒不用人扶持自笑衫履
盡沾泥妙景妙情添妙詩羊鬚且約他日掇天瓢欲
翻此機躍勸客舒懷連飛觥何異蛟虬舞幽壑因向
土人詢奇踪僉言此中有臥龍旱天禱雨顯靈異一
犁甘雨遍千峯我聞此語重喟然龍蟄洞中幾何年
君不見頭角崢嶸鱗甲換一聞春雷飛上天

卓筆山歌贈關東山

楊福煌

嶒峻崛起勢嵯峨銳峯高欲接銀河大羅仙子生花
筆詠罷霓裳墮烟羅山頭日日風和雨夕陽飛影落
窗裏與君相對恰當門似欲聯君爲知己知己相投
兩不逆山有峯兮君有筆唯君有筆大如掾山形如
筆卓爾立山靈有意憐君寒教君搦筆領騷壇果然
桃李信手栽花樣色色映采翰山又愛君詩胆大佐
君善詩兼善畫詩中有畫畫中詩詩畫雙清筆無價
卓立孤高氣象尊眾峯羅列似兒孫漢水爲池天作
紙倒寫雲烟無墨痕君有筆山有峯筆力健山勢崇

長樂縣志

卷之十五

藝文詩下

五

君自握筆山之東試問山峯與筆孰豪雄

火燒翁歌

魚名見物產

月朗山下清潭水水清沙白產魚美中有一種火燒
翁彩雲作身霞作尾五色具備勝鮫綃來從丙穴路
應遙錦鱗游泳波間活若翁何曾被火燒長不能盈
尺重亦不滿斤在藻依蒲鱗甲換鮮妍日下射斜曛
岸旁有石疑經煉晴虹飲澗何時變變作魼鱗花樣
新全身錦繡別開面如將化作五采龍雷火燒尾錦
雲從試看三級桃花浪乃翁飛騰上九重

卓筆山次楊暉菴見寄原韻

關福

余館門首遙對一峯曰寨子山圓淨莊麗上
銳下豐有玉女芙蓉之奇季夏初楊暉菴來
訪顧而樂之嫌其名不甚雅因易之曰卓筆
別後暉菴以卓筆山七古歌寄示次韻答之
樂邑之山皆巍峩蒼龍高聳遍天河有時跋脚登山
去眼盼雲煙手捫蘿山中結茆蔽風雨何人不在山
窈裏漁洋山氣秀而清我愛山居山愛已山若有情
成莫逆更愛當門山似筆先生命名卓筆山山之嘉
名自此立屹然高插星斗寒如佐詩人事吟壇先生
擲管珠璣落曾向鳳城振羽翰曼玉敲金筆力大繪
盡嶙峋不須畫媮爛古色近三唐定知紙貴洛陽價
我仰高山氣勢尊雲錦巧織慚天孫欲向青天攜謝
句惟有著屐留齒痕著木屐登筆峯峯自銳登愈崇
縱目遙觀西復東此時舉頭天外思豪雄

天生橋

李煥春

蓋自舟行至彝陵過荆門知其爲自古著名
者登岸一覽仙人橋卽所稱荆門十二背亦
卽所稱羣山萬壑赴荆門也然而尙嫌其少
生趣焉及閱容美土司田舜年世述錄載五
峯司治內有天星橋真仙境云 秋日因偕

咸來潤之與兒少白輩策馬遊覽之出東門
山逕崎嶇過白鹿莊行三十里見石巖上一
古廟廟爲祖師殿境甚湫隘躡層階而上聊
爲小憩相約步行自高坡而下將至平處坑
深數十丈中間一逕坦坦平平人行其上初
不覺其爲橋也者兩旁嘉樹排列儼如朱欄
十二下視之其根皆自石縫中生出大逾拱
把濃陰覆地黛色參天殊大奇異再視洞門
如石砌甃洞山溪之水自洞流出與西來之
水合聲如琴瑟而均無所出前山下有一洞

二水溶溶卽由洞中洩入五峯張氏裔指曰
自橋下上望中有圓孔從旁視之皎若星光
故舊名天星予乃細爲審睇而知此天生奇
境比之荆門生趣多多矣因相與再四流連
前坪有村家相往沽酒共酌遂博一醉醉餘
再至橋頭望之但見綠陰中夕陽高掛紅射
前山從者催上馬行至小林口借宿劉氏書
屋疎燈已上矣旣成七律再賦長歌以記之
造化好奇屬天工闢開奇境自鴻濛我聞五峯舊司
治天生橋在治之東攜侶游覽登山逕丹梯翠磴策

青驄踏破紅塵三十里古寺小憇豁幽衷相約步行
下坡去高坡下至平地中瞥見坑深數十丈中有坦
平一逕通兩旁佳樹大於拱根蟠巖石鬱青葱直幹
干霄陰覆綠儼如欄杆排半空信步過橋四駐視石
梁駕就落長虹自下上望員光漏皎如天星彩色融
徐聞二水交流處響如琴瑟和清風坪中地高流不
去前山石洞鑿玲瓏水由地中伏流入就道潛水與
斯同乃知巨靈空劈破別有神斤鬼斧運奇功大爲
僻壤增佳致造成奇境非人工安得人工一恢廓山
麓宏開梵王宮留得遊人常玩賞如仙佳句付詩筒

長樂縣志

卷之五

藝文詩下

八

且向村家沽酒醉橋頭樹掛夕陽紅

還山行送王鳳山歸里

譚大默

噫噫男兒讀書須科名不然才如子雲與長卿猶復
窮途賣文以求生如君何事獨遠行星宿羅霄抱逸
情陸城丹陽數百里幾番遊歷覽山水盡得奇秀以
行文胡不登朝紆青紫祇今吹簫復山來孤館客聞
心膽摧老俟龍鐘野蔬具與爾姑酌黃金壘酒耐耳
熱撫長劍太息交情雲雨變高鳥倦飛思故鄉五峯
山色逼人面爲君且賦歸去來衡宇咫尺三徑開扶
風豪士愧鳶陸何如款段遊蒼苔送君還酒一杯

羊芋歌

李煥春

羊芋種分烏紅種分高下收分早晚嘗辨其
出或曰來自外洋然滇南有此種未聞自洋
來也以予所聞昔有人牧羊山中羊食其葉
而拔其根得其子而嘗之知其似芋可食也
遂覓種而種之乃有此種則羊字從羊為近
俗寫作芋乃無此解又聞山西稱為回回山藥

羊芋種來自外洋此語未確近荒唐我聞自天降阜
康傳來嘉種賴金羊烏宜下隰紅高岡烏者冬種夏
日嘗紅者春種秋收藏葉綠花紅映夕陽果結土土
子根旁及時挖來煮作糧家人婦子充饑腸即蔬即
飯甚馨香無鹽無菜飽徜徉或者有餘研粉漿賣得
青錢買衣裳吁嗟乎窮民衣食之計無他長包穀以

長樂縣志

卷之五

藝文詩下

九

外此為良勝彼草根樹皮救饑荒天生養人之物本
無方神農后稷教民樹藝無此章幸哉

國賦免此賴吾

皇

種諸歌

李煥春

諸有紅白黃三種長樂惟有紅白二種邑人
謂之菑種諸之法每於春月挖開山地用種
橫下糞土壅之根生萌芽八九日即漸長
藤其色紫白者綠葉紅者葉亦稍紫即取其
藤剪成三寸許另栽於地一二日即生根發
芽長藤藤長雨後必由東翻其藤於西越數
日又由西翻其藤於東其根始粗大可食而
則藤上生細根即不成矣至秋掘而食之其
味甚美與山藥羊芋相仿性亦可補脾胃過
食亦礙隔漁洋關石板等保多種之如

所種之羊芋可當半年糧但羊芋喜冷地著喜煖且羊芋不可生食藉可生啖但不如羊芋之可以作米打粉耳

天地自然之美利百產菁華各有異樂邑僻處萬山中磽确陂陀難盡記稻菽蕎麥幾平疇玉黍以外惟羊芋內保衣食多賴之外保何爲生全計天生紅蓀與白藷窖種下土迎春至勾出萌達及時生紫藤蔓延葉含翠纖纖手試剪刀風斷藤分秧別插地新抽嫩甲又牽藤翻雲覆雨農工具不花不實養靈根中有至味含精粹卽蔬卽飯卽珍羞朝餐夕殮皆樂事大哉美利利窮民樂歲凶年均有濟但祝彼蒼晴雨時胼手胝足功無棄我歌種諸念楚箴民生在勤勤不匱

長樂縣志

卷之十五

藝文詩下

十

漁關吟

賴汝霖 兩蒼邑貢生

五峯城東百廿里疊巘重岡伏又起天塹開來漁洋關兩岸青山紅樹裏北枕佷山南高峯一灣流水色溶溶沙灘夜靜橫漁艇吞吐月華隱石龍村墟錯落欣同井牽蘿補屋人家靜青疇耨耕又新秋十畝雲黃遍四境闐闐器器估客多不羨吳綾與蜀羅但聽長衢樓閣裏絃歌聲滿山之阿憶昔清江疆域開文物聲名漢道恢雄關隔斷柘谿路莫學雞鳴偷度來

至今漢土成一家居民安堵樂無涯幽閒彷彿桃源
洞花間雞黍話桑麻我聞天寶奉勅吳道子擬畫嘉
陵好山水如教作繪此關河一幅新圖在咫尺

野燒歌

田秦斗

胡爲乎飛沙走石之狂風轟天震地來自東噴出一
山野烟黑然起一山野火紅火勢猖狂風勢豪火借
風勢火逾高旣如金龍沿山走又如赤壁燒兵燭波
濤燎原幾欲裂山骨祝融炎光猶未歇飛燄一帶上
青天欲上青天燒明月可憐衰草與喬木怪禽奇獸
焚候忽山精野魅避不停同畏其燄甚熒熒吁嗟烈

長樂縣志

卷之十五

藝文詩下

十一

乎哉君不見彼蒼一時令撲滅長空霖雨及時零

誌異

田秦斗

乳鴨兮破卵唬蒼犬兮仰天哭物怪兮人妖齊起兮
撲逐大而雄者食人魂次雖劣兮工剝啄聚暗室兮
沸騰來陰崖兮閃倏斜陽兮西來孽之威兮似隱伏
暮色兮忽蒼乘陰風兮鬥體觸旣明滅兮無常將何
用兮巫祝仿楚些兮長吟雲漢漠漠兮天地肅

灣潭秋月

縣丞

錢慶餘 伴梅

萬峯環翠水聲悠爭傳月映一潭秋至今不見潭深

處月照橫河水自流署前照牆墦下故老指稱官舍

下王生隆灣裏澄潭水注瀉署旁毘連市井屋月夜

有人尙走馬鹽鐵之利利自足昔年灣潭產鐵川鹽盛行

商賈輻輳入幽谷沙市奇貨至斯售石門花布來此

鬻昔年石門縣所產花布六街三市數里餘舖面大地基僅人烟稠密比戶居無端滄海桑田變美利消

歇市空虛風雨秋淋一夜間巨靈擘開火燄山有如

精衛填沙石無復深潭灣又灣山在署前半里許山脚下被水冲壞別開

河一潭被沙石龍洞雷驚魚乍生街下有龍洞洞有

填沒震始出交秋鶴峯過客馬嘶鳴州境蘭鄉其地

即無矣藝文詩下

長樂縣志

卷之十五

藝文詩下

全

蕙槐井井邊有槐故名均在閒遊地桂室武署有桂樹甚大

梅堂署中梅樹極多前任潘舍章題日相對傾文武

一溪之隔文署現在我聞其語增浩歎同上花橋龍

傾壤欲修洞左離署適遠情山衙寂寞深潭杳但見波心月色

明月色依然照水濱照見今人繼昔人要知流水成

今日可悟明月是前身

長樂縣志卷之十五

詞明

採花臺賞花有感

阮郎歸

容美司

田甘霖

持雲

連朝淫雨淚如垂寒雲壓皺眉如殺香魂過此期花
心不耐遲空憶舊懶裁詩相看只自知往昔花前不
暫離此意詎堪思

中秋登子耀如聞喜樓

喜遷鶯

田舜年

微雨初歇喜煙雲洗盡對影唯月千山出萃萬籟聲
分心事光明高揭良宵佳境雙逢樂事輝煌閱閱問

長樂縣志

卷之十五

藝文詞

十一

嫦娥何獨今夜裏趁人眼滑風流安石久南樓老子
興復堪超越對景揮毫命體物騷不愧一門百笏風
月狂挑吟擔江山養就豪骨但願得三萬六千場容
光節鉞

松山除夜

鷓鴣天

容美司

田甘霖

特雲

高頂浮家似葉舟羅浮景幻是耶不惟餘一夕占春
色醮破蒼苔亂點頭斟酒數花籌年年除歲不除
愁此時此景堪描畫難寫驚魂不放憂

松嶺濤聲

西江月

李煥春

鳳翼山光積翠龍鱗松樹垂陰風聲遠播到前林頃

刻驚濤駭應 飛閣讀書和韻幽齋飼鶴調音歌成
白雪發高岑俗耳針砭清聽

城河水韻 西江月

溪澗一灣流水山城兩岸人家侵晨入夜韻誼譁洗
耳清音無價 莫問洲前古樹未看橋畔飛花但聞
琴瑟韻交加便是弦歌雅化

聞喜樓

後庭花 田舜年奪五峯張氏安撫
職使其子龍建此在今署後

五峯舊署司官杳繫園芳草昔時聞喜高樓倒不棲
飛鳥 鵲巢鳩奪終空了落花風掃徘徊舊蹟看山
表白雲繚繞

長樂縣志

卷之十五

藝文詞

又三

採花臺

添字昭君怨

昔日高臺曲榭今日水流花謝土司改建百餘年又
一天風雨摧殘廢署山地空留芳樹誰邀姊妹到溪
涯採鮮花

仙巖腰帶

玉樓春

綠楊溪畔山前路巖上仙人顏久駐鬚眉如活現全
身雲想衣裳真縞素 分明玉帶腰圍住一任陰晴
纏薄霧仙人可愛此金山芳草萋萋不歸去

藍家花院

臨江仙第三體

月朗山前荒院靜芳園小閣都空藍家何處無踪幾

雙蝴蝶飛繞野花叢
流水不隨人事改
二橋猶架溪東石
磯花草賸芳容
為尋遺址幾度夕陽紅

白水觀 南鄉子

冲內聳雙峯萬仞
摩天染黛容
二水地中方湧出
浴映帶孤山翠色濃
仙觀聽殘鐘
曲逕盤旋寄客蹤
一覽四山屏嶂列
重重萬里烟雲直
盪胸

西山雲氣 江月見重山

長樂城西疊嶂五峯
山下層山白雲一片擁
螺髻織羅幔鎖住碧孱顏
無縫白衣繚繞有情翠黛迴
環氤氳吐出石根間
從龍去霖雨沛人間

長樂縣志 卷之十五 藝文詞

十三

竹兜 驀山溪

喬守中

按竹兜以竹為之用圓竹二根兩頭鑿孔對竹為梁下懸一板輕利便宜登降甚宜

綠筠盈把結兜遊山野
穩坐不知勞
遠蹇過香車寶馬穿峯越澗捷
若御風行絲繩軟錦裯
輕纜趁此君雅神清骨秀
風韻難描寫
雙負足登登更唱着山歌
伊啞斜陽芳草佳處儘
凝眸聊免俗漸忘機
憑託虛心者

漢溪夜雨 臨江仙

郭正泰

風日清和春光好
漢溪一帶澄清長
空日暮片雲生
釀成夜雨點點雜溪聲
寂寞空階滴未了
旅人無

限幽情挑燈危坐待天明曙烟收罷檻外水光盈

灘口早霜

浪淘沙用瀟湘八景
遠浦歸帆韻

楊福焯

裕庵
庠生

一色水天浮月滿孤舟晚風吹上旅人愁露滴蘆花
珠顆顆結向深秋 曙色碧悠悠白了灘頭青娥何
事下中流喧起板橋人迹滑驚醒沙鷗

漁關晚唱賦

以題為韻

李素

丹霞燦處紫氣來初吟聲斷續歌韻紆徐方扣舷而
音發因傾耳以情舒非同關上泥青風烟黯淡將見
岸頭天黑雲樹蕭疎水調傳來與寄滄浪以外歌喉
轉出音流空谷之餘憶昔年白雪陽春賦就郢中騷

長樂縣志

卷之十五

藝文賦

十四

客喜此際遙吟俯唱時逢楚澤老漁原夫漁洋之為
地也乃五峯之扼要有眾岫之迴環四面崇巒亂聳
一溪寒水低彎古寺之高臺繞樹人家之畫閣依山
境似桃源春晚則落花流艷岸多楓樹秋深則紅葉
呈顏玉杵擣衣音餘石上瓊樓弄笛響入雲間不住
猿啼嘯徹萬重疊嶂當空鴈侶聲聞百二雄關時則
嶺畔日斜林端雲偃攜鋤低詠農父初歸荷擔微吟
樵童乍返烟鎖綠楊之岸薄袖寒輕雨收黃葉之村
扁舟繫穩漁燈數點光若見而若迷漁唱幾聲音忽
近而忽遠懊悵之韻繞花堤欵乃之聲喧翠巖地勝

傳奇曲高度晚韻滿深村歌來小舫幽響難尋伊人
可訪音渺忽而隨雲聲淒清而激浪晚風和向丹林
暮靄添於青嶂水清水濁吟詠遙聞調短調長情懷
頓暢不是數聲函谷鷄喚頻傳真如三疊陽關驪歌
共唱則有遠客尋津高人問渡地當清淺看關隘之
遙臨時傍黃昏聽歌聲之徐度方烹鮮而酌酒適抱
閒情忽按節而成腔自懷逸趣雅調千聲蒼烟幾樹
遂使添旅思以興歌對漁舟而作賦正值曲終江上
好吟湘浦之詩如教身到月中快詠霓裳之句

灣潭秋月賦

李素

碧落澄清萬里秋灣潭灣處湧晶愁波光千頃連天
白皓月一輪隨水流皎皎蟾輝漾不停翩翩鴈影飛
初起鸞鏡分明射水涯龍宮照見在中泚來五峯之
名區望一方之秋水清况無邊幽懷未已當夫未邀
明月纔落夕陽灣頭波淨潭面水涼寒乍侵而鷗宿
風初定而魚藏葭蒼露自楓老葉黃憶重輪之澄澈
辨一碧於微茫光似鏡而可鑑心如水而偏長水光
忽激月魄纔穿海乍生而正滿雲初吐而偏圓出高
峯而自潔射淺瀨而彌妍雲母牖間輪自轉水晶盤
裏鏡低懸三更夜色一片寒烟木葉蕭蕭微脫山光

疊疊齊鮮皓魄濯清泚銀河燦遠天君在天涯妻居
綺室感良夜以無眠撫秋光而如失望彼美兮隨時
見夫君兮何日對明月而拋齊紈臨清流而調趙瑟
觀潭水兮灣復灣動情思兮一復一指藻鑑以明心
對冰壺而表質玉宇瓊樓寒氣逼夜深人靜無消息
一灣流水隔盈盈月白泉清目堪極誰解此秋情聊
娛此秋色秋色光明碧水灣月華皎潔青山側爲詠
霓裳羽衣聲廣寒宮近歸仙域

修竹洞賦

以好景良辰
人生行樂爲韻

簡桂林

間嘗招朋儕攜尊爵履高岡俯幽壑訪風景於崇阿

尋幽芳於秀嶠乃有嫩籜猗猗淡烟漠漠開洞門而
別有地天護竹樹而亂啼鳥雀佳哉騷客所娛允矣
仙家之樂爰肇錫以嘉名更豪吟而有作蓋其嶙峋
軒敞疎密停勻一洞通幽可避紅塵風雨千竿布密
那知紫陌陰晴懸崖乳滴深谷雲橫夏亦生寒無事
手揮紈扇冬能迎煖底須背曝銅鉦參色色之皆空
箇中妙悟喜心心之相印靜裏偕行則有峽洞三朋
商山四皓晉代七賢香山九老撫景舒懷尋幽玩好
莫不羨托體連岡成形大造洞藉竹以周遮竹依洞
而環抱清而秀不雜乎萬紫千紅幽而深絕類於十

洲三島觀夫翠上層霄青留旭景屯八架構向瓊室
以舒華八八欹斜對紅崖而寫影日映金流峭壁粉
黛迴環風敲玉夏虛堂宮商新穎黃龍可化會看飛
出青巖彩鳳堪棲時見翥來丹嶺足使空門送影虛
室生光四時鬱鬱萬古蒼蒼紅日照餘綠衣怡麗白
雲起處翠袖方長若教清水流來宛見渭川粉籜倘
值黑風吹去如聽嶰谷銀簧石室固隨時而有美桃
源真遷地而皆良若夫雲霞開霽風日翻新涼生卓
午景豁良辰分來石竅玲瓏蒼苔映綠露出山腰綺
麗芳草添茵半畝橫青爽通而可清溽暑萬竿聳翠
陰垂而不染輕塵至於陰雲布滿密雨來頻霧罩紅
芳之塢烟迷綠柳之津瑣碎成聲巖穴好聽動籟周
遮弄影石門怡見抽筠此皆古洞之可以悅目修篁
之足以怡人者也爰爲之歌曰空山奕兀兮勢崢嶸
開來石洞兮修竹榮隔斷紅塵兮管弦弄四時俯仰
兮趣橫生客乃和之曰石竅玲瓏旱鑿成白雲深鎖
竹含英此君左右真無俗宜俾高人發逸情

五峯山城賦

以有城巽然據山之巔爲韻

陳仁齡

地闢南天城凌北斗平跨溪頭高憑巖口環衡宇以
蕭疎鎖烟雲而富有程周三里好尋幽逕紫薇山接

四圍不隔新橋綠柳原夫巖疆旣奠花縣方更割鄰
封之勝地建邑治之新城垣墉固築樓閣飛鷺雉堞
參差沐細雨而蛾眉淡掃螺鬟擁護蹙輕烟而翠黛
齊橫爾其眾嶺周圍五峯環翊風噓東嶺之松聲雨
洗南坡之烟色泉侵龍洞之濱樹映鰲洲之側鎮安
門外看如積翠之屏得勝橋頭望若遙天之翼當夫
長坪草綠獨寒花鮮麻池初看柳媚麥莊已見梅妍
白溢晴嵐近洗城頭紅雨青巖暮靄遙添城外蒼烟
送春光而靄若抹黛色以嫣然至若暑雨纔過炎天
乍曙竹洞垂陰萍池飛絮壺瓶滴翠儘教排闥送來

紗帽雉雲好向扁關鎖去城樓賞景玉笛頻吹山館
招涼銀牀可據關心裏去轉盼秋還白雲繞郭黃葉
飛關菊蕊則芬芳三逕桂馨則馥郁一山橘柚光寒
兩岸之炊烟幾縷薜蘿色老滿城之粉黛千般乃若
霜封青草冰結紅池獅嶺寒早廉坡煖遲雪積菩提
色照孤城皎皎雪陰石柱光侵百雉嶷嶷松嶺翠濤
伊可聽也竹園紅葉請試賞之莫不光增塚口景綴
峯巔四面雲山都成畫本千家山郭好入詩篇足使
觀金湯之必固思保障之維堅政簡刑清膏黍苗於
樂土風醇俗羨奠磐石以長年